





RESPONSIO

CARDINALIS  
BELLARMINI

AD DVOS LIBELLOS,

*Quorum alter inscribitur*

Responsio Doctoris Theologi ad epistolam à Reue-  
rendo amico scriptam de litteris Apostolicis  
Censurarum, quas Pauli Quinti San-  
ctitas aduersus Venetos pro-  
mulgavit.

Alter vero



*Tractatus & resolutio super validitate Excommunicatio-  
num Io: Gersonis Theologi, & Cancellarij Parisien-  
sis in duo opuscula distributus, atque ex La-  
tina lingua in Italicam summa fi-  
de conuersus.*

A quodam Theologo Latinè reddita.



ROMÆ, Apud Aloysium Zannettum. MDCVI.

---

*Superiorum permissa.*



1850  
CARDIN  
BELLAR  
AD PAVO

Exemplar de la biblioteca

Religión Católica de España  
y de América Latina  
Compendio de la doctrina  
de la Iglesia Católica  
por el P. Juan de  
Cristóbal de la Cruz

Año 1850

En la imprenta de la  
Real Academia de la Historia  
de Madrid  
por el Sr. D. Juan de la Cruz  
de la Cruz

Aprobado por el Excmo. Sr. D. Juan de la Cruz



En la imprenta de la Real Academia de la Historia

# INTERPRE'S LECTORI.



Erue[n]it statim à Typographo in  
meas manus Apologia Cardina-  
lis Bellarmini, aduersus Anony-  
mum, quam erudita, quam do-  
cta, quam modesta, quam Bel-  
larmino digna. Verum cùm Italice scripsisset  
Aduersarius, dolebam equidem, quòd ipsa etiam  
Italice edita minus late manatura videbatur,  
quam boni plerique optassent. Excitau[i] ipse  
me, nec sum passus huiusmodi iacturam esse  
diuturnam. Latine eandem de verbo (quod  
aiunt) ad verbum reddidi summa festinatione:  
neque aliud propositum habui, nisi vt, alienis  
remotis, Bellarminum ipsum loquentem audi-  
retis. Viuet (sat scio) Anonymus in tanti viri  
scriptis, quamque ipse per se famam ne somnias-  
set quidem, ex Bellarmini reprehensione nanci-  
scetur. Sed videlicet, miserum est illud sola-  
tium: Præclarum Achillis manu perire, dum pe-  
reas. Monstra tantum ac portenta opinionum

vir ad Hæreticorum nervos infringendos natus  
sibi sumpsit conficienda; & vero quotquot est  
aggressus, felicissime etiam profligavit. Itaque  
cum eo congredi summæ dixerim temeritatis:  
victoriam sperare, extremæ dementiæ. An ve-  
rò hic inter cæteros iaceat, qui suppresso nomi-  
ne ex laribulis prodire est veritus, responsio ipsa  
iam docebit. **Leg.**



<sup>5</sup>  
**RESPONSIO CARDINALIS**  
*Bellarmini ad Anonymi epistolam, ubi  
de litteris Censurarum agitur, quas  
Pauli Quinti Sanctitas aduersus Ve-  
netos promulgauit.*



**N**OVVS hic mos libellos excudendi Venetijs, nullo Scriptoris nomine, nulla ab Ecclesiastico Superiore facta potestate, nulla temporū, aut locorum, ubi fuerint impressi, nota, aperte satis indicat contumaciam inibi non sine maximo Catholicæ fidei periculo, maiora in dies incrementa accipere. Nam Oecumenicum Tridentinum Concilium non alia de causa, excommunicationis poena proposita, sessione quarta, vetuit, nequis suppresso Scriptoris nomine, ac sine Ordinarij approbatione, quam liber initio præferret, de sacris rebus, librum vllum typis mādare auderet; nisi vt omnem hæresibus aditum intercluderet: quæ ferè per huiusmodi cuniculos in Ciuitates, & Prouincias irrepere solent. Nunc verò, qui videat apud Venetos nihil Concilij auctoritatem, nihil intentatum excommunicationis vulnus, aut imminens hæreseon periculum valere, quominus libellos quotidie Anonymos, scatentes erroribus, ac sine vllius probatione edant; quid obsecro aliud tam certa coniectura, nisi impendens illi Vrbi non sentienti exitium deprehendat? cū præsertim intelligat hæresi, velut pestilenti aliquo afflatu, non animos solum infici quibus salutis subtrahit fundamentum; sed etiam Reipublicæ tranquillitatem statumq. conuelli? Ego quidem quoniam tanto malo potiorē medicinam facere non possum, quantum in me erit, tentandum remedium duxi, vt si qui in meas manus peruenerint eius generis libelli, illos, quoad eius fieri poterit, confutem diligenter, alijsq. doctioribus, vt idem aggrediantur auctor sim. Ita enim fiet, tum vt ex pluribus huiusmodi confutationibus, aliqua certè eò peruadat, ubi suum consequatur fructū, tum vt plures eodem charitatis instinctu, fratribus nostris præsto simus, Deum enixè precantes, vt eorum quantocyus misereatur. Qui ne in reprobū sensum dati iam sint, magnopere pertimescimus.

Perlatus ad me est libellus cuiusdam, qui se Theologiæ inscribit

Doctorem, respondetquē Sacerdoti amico, aut certe respondere se fingit, petenti, num censuræ, quas Paulus Quintus Pontifex Maximus nuper aduersus Venetos promulgauit, ratæ sine iureq. editæ, & simul utrum rem sibi diuinam in sua Ecclesia facere liceat, sacramentaq. administrare, ut prius licuerat antequam ferrentur. Respondet autem ille censuras huiusmodi irritas esse, nulliusq. ponderis, posseq. Sacerdotes, tum Venetijs, tum in reliqua Venetorum ditione, absque vilo Religionis metu sacrum facere, diuina officia recitare, ac Sacramentorum administrationi, ut prius consueuerant, operâ dare. Atque ut Theologicè (ita enim loquitur) agat, rem totam octo propositionibus complectitur. Nos summa fide propositiones exponemus, adiiciemusq. singulis responsionem; prudentium autem virorum erit videre utrum Theologus iste Doctoris, an seductoris nomine sit appellandus. Ac ne conqueratur nos dolo malo aliquid suis verbis detraxisse, ipsamet verba, quibus utitur, subiiciemus.

### Anonymi prima Propositio.

**I**us, quo seculares utuntur Principes, immo, quo utitur ipse Summus Pontifex, quâ secularis Regionum & Prouinciarum, quas possidet est princeps, immediatè illis à Deo, nullaq. exceptione concessum est. Ut hac Propositio clarius intelligatur, animaduertendum est, ius dominandi, ac seruitutem iure gentium primo extitisse: ius quidem dominandi penes Principes, parendi officium penes subditum, quatuor nominibus, electione, hereditate, donatione, iure belli: ita ut omnes Principes, qui ex his quatuor nominibus aliquo, ceteris imperant, veri illorum, ac legitimi sint Domini. hos aio à Deo habere, ut imperare possint, leges condere, tributum exigere, iudicia exercere, ac subditos sine ulla exceptione punire.

### Responsio.

**P**rima hæc propositio duos apertissimos errores inuoluit; Primus quidem eo verbo (immediatè) alter illo, nulla exceptione, continetur. Atque ut prius de postremo dicam, qui clarior est, si verbum illud (sine exceptione) accipiat ut significet sine vlla subditorum exceptione, erroneum est. In clericos enim nullum ius habent Seculares Principes; cum illi iure saltem humano excipiantur, ut omnes Catholici Doctores fatentur. quamquam ut inferius docebimus, iure etiam ipso diuino excipiuntur; Si verò ita accipiat, ut significet, sine vlla exceptione potestatis, planè hæreticum. nulla enim Christiani alicuius Principis reperitur potestas, quæ aliqua ratione



tione Christi Vicarij potestati non subijciatur . nam ille vniuersalis est Pastor , Caputq. Christianorum omnium , seu Principis , seu priuati hominis personam gerant . Si demum intelligatur , vt nolit vllum rerum , aut negotiorum genus excipi , hæreticum itidem est . Spiritualia enim negotia , vt è sacris Scripturis , Concilijsq. habemus , in laicorum potestatem non cadunt , sed penes Ecclesiasticos tantum sunt , atque in hoc Theologi omnes , & Canonistæ consentiunt . Sed ad verbum (*immediatè*) accedamus . Hoc quidem duo significat . Primum apud Principes quâ Superiores sunt , immediatè à Deo , subditis imperandi ius esse , hoc est obtemperandi præceptum immediatè à Deo proficisci . atque hoc quidem ita verum est , vt nemo audeat inficiari . neque enim Dominus esset , nisi præcipere posset , neque subditus , nisi parendi illi officium incumberet . Atque ita , & Deus in sacris litteris præcepit , & natura docet , vt subditi omnes suis Superioribus morem gerant . Deinde intelligi posset Principibus Secularibus immediatè à Deo hos , vel illos Populos regendos traditos esse : exempli causa , Christianissimo Regi Gallos , Hispanos Catholico , Venetorum Reipublicæ Venetos . Atqui hoc apertè falsum est , idque vel ipse libelli huius auctor ex suis met verbis cogitur fateri . Si quidem dum suam explicat propositionem ait , *quatuor nominibus dominandi ius acquiri , electione , hereditate , donatione , & iure belli* . Hæc nomina diuina non sunt , sed humana : sique illorum beneficio potestatem quis in hos , vel illos populos imperandi adipiscitur , hanc profectò immediatè à Deo non accipit , sed ex electione , vt Imperator , & Poloniæ Rex , vel ex hereditate , vt Hispanorum , atque Gallorum Reges , aut ex donatione , vt feudatarij Principes , aut iure belli , vt olim Gottifredus , alijque Palæstinam sibi pepererunt . Quare si quis de Christianissimo Rege quæreret , quo nomine Galliam obtineat , ius diuinum vtrique non respōderet , sed hæreditariam successionem , & si quis Venetorum Ducem interrogaret , quo nomine illi Reipublicæ præsit , nullum diuinum nomen afferret , sed humanam Senatus electionem . atque hoc est discrimen inter Pontificis Romani Ecclesiasticum Imperium , & Secularium , Politicorumq. dominatū , quod Pontifex non solum Christianis omnibus præstet ea de causa , quia Superiorum præcipere , subditorum obtemperare est , sed quia à Deo immediatè Christianos omnes subditos accepit . Et quamuis à Cardinalibus creetur Pontifex , ab ijs tamen potestatem non habet , sed à Deo , qui Petro , & ceteris Successoribus dixit : *Pasce oues meas* . Atque id sanè apertissima argumentatione conficitur . Nam Pontifex nullam ab Apostolico suo primatu eximere potest Protiunciam , aut Ciuitatem , aut hominem vllum : neque verus erit Pontifex , quin

idem omnibus præsit Christianis, idque ea de causa, quod diuino nomine suam obtinet potestatem. Reges verò, & Seculares Principes, & subditos amittere, & Ciuitatis alicuius, aut Prouinciarum dominationem exuere, illasq. alteri subijcere possunt, atque ita in eam Ciuitatem, aut Prouinciã iure carere, quod eius potestatis nomen humanum est non diuinum. Pari ratione nemo quidquam de Summi Pontificis potestate detrahare potest, non Cardinalium Collegium, non Generale Concilium, neque adeo ipse Summus Pontifex. Cum enim Pontificia potestas immediate à Deo proficiscatur, hominum voluntati non subiacer. Multo secus in Secularibus dominationibus contingit, quorum sæpenumero imperandi potestas, aut à Populis, aut à Superioribus Principibus imminuitur: nec raro Monarchia in Aristocratiam, aut Democratiam transit: & contra, quæ plurium administratione regebantur Respublicæ, in vnius veniunt potestatem, idque ex eo solum fit, quod illorum dominandi auctoritas immediate ab hominibus, non à Deo manat. Quod si Seculares Principes immediate à Deo in laicos ius non habent, multo minus profectò habent in Clericos, qui, vt infra ostendemus, iure ipso humano, atque diuino ab huiusmodi potestate exempti sunt. Vera igitur Propositio hæc est: Seculares Principes nullum in subditos sibi laicos immediate à Deo ius habent, sed humano aliquo nomine, quod iustum sit, in Clericos verò, qui in ipsorum Regionibus degunt, nullum neque diuinum, neque humanum.

### Anonymus.

**I**D non ego commentus sum, sed ex sancto Paulo accepi in Epistola ad Romanos capite 13. immo ex ipso sancto Spiritu, qui ipsius & ore loquutus est, & calamo scripsit, verba hæc sunt. Omnis anima potestatibus sublimioribus subdita sit. non est enim potestas, nisi à Deo. Hunc locum exponens S. Ioannes Chrysostomus: Fecit hoc, inquit, Apostolus, vt ostendat, Christum leges suas non ad hoc induxisse, vt politicæ euertat, sed vt ad melius constituat, ostendens quod istæ omnibus imperentur, & Monachis, & Sacerdotibus, non solum secularibus, id quod statim initio declarat. Omnis anima potestatibus sublimioribus subdita sit, etiam si Apostolus sis, etiam si Euangelista, etiam si Propheta, siue tandem quisquis fueris; neque tamen pietatem subuertit ista subiectio.

### Responsio.

**S**ANCTI Pauli testimonium capite decimotertio Epistolæ ad Romanos, ad Potestatem in vniversum refertur, docetq. diuinum esse præ-

se præceptum, vt Subditus Superiori obtemperet, non verò docet Seculari Principi hos, vel illos diuino iure immediatè subijci. Verissimum quidem est omnem potestatem esse à Deo: sed quædam ab illo immediatè emanat, vt olim Moyses, & Aaronis, post etiam Romani Pontificis, quædam non à Deo immediatè, sed vel successionis, vel electionis, vel alterius cuiuspiam humani nominis beneficio; Sancti veto Chrysostomi auctoritati respondeo, ex ipsius verbis non elici Sacerdotes; ac Monachos, Sancto Paulo docente Secularibus Principibus obstrictos esse, sed suis Prælatis quicumque illi demum sint. Idem enim est, *Omnis anima sublimiori subdita sit*, ac omnis homo superiori suo obediat. Ex quo loco recte Sanctus Bernardus colligit in Epistola 183. ad Conradum Imperatorè, debere Conradum Innocentio Papæ obedire, quia Christianus Imperator Summo Pontifici, vt inferior sublimiori subiicitur. Quamquam illud negandum non est, clericos etiam ijs civilibus legibus obnoxios esse, quæ Ecclesiasticis decretis non repugnant, & conuictus commercijq. gratia omnibus communes esse debent. Nam (vt Nicolaus Pontifex Imperatori scribit) in rebus temporalibus Ecclesia vtitur Imperatorum legibus, tamen huiusmodi leges seruare Ecclesiastici debent, quo ad directionem, non quo ad coactionem, id est, vi rationis, non vi legis. exempli causa si secularis Princeps frumento certum pretium constituat, eodem illo pretio frumentum & vendere, & emere debent Ecclesiastici, non sanè quod ea obstringantur lege, sed quod iustum emptionis, ac venditionis pretium sequi debeant, quod quidem illud esse suadet ratio, quod à Principe est constitutum. Quod si accadat istiusmodi decretum violari ab Ecclesiastico, non idcirco tamen in laici Principis iudicium raptari, nec vlla ratione mulctari ab eo potest, à cuius dominatione omnino liber est: ab Ecclesiastico Superiore, vbi res ita postulet, sanè potest.

Anonymus.

**Q**uamobrem in veteri lege, quamquam Levitæ Aaroni Summo Sacerdoti suberant, in rebus tamen temporalibus, in causis, iudicijsq. Moysi temporalis Principi paruerunt, vt optime ostendit Couarruuias.

Responsio.

**M**oyses vna cum Aarone Summus erat Sacerdos, atque extraordinaria Dei constitutione, ipsomet fratrem Pontifice maior. Si Couarruuias hoc neget, nos sacris Litteris, sanctisq. Patribus multo maio

rem fidem habemus. Psalmo quidem nonagesimo octauo hæc habetur: *Moyſes, & Aaron in Sacerdotibuseius.* & Exodi capite 40. Moyſes Deo thus offert, quod præcipuum Summi Pontificis munus erat. Et Leuitici cap. 8. Moyſes, vt Summus Sacerdos, Aaronem fratrem conſecrauit, filioſq. ipſius Sacerdotes conſtituit, atque in ea ſolemnitate ſacrificiũ Deo fecit. Quare Philo Hebræus vir doctiſſimus libro, qui de vita Moyſis eſt tertius, extremo, ait, Moyſen, Pontificem, Regem, ac Prophetam fuiſſe. Et ſanctus Gregorius Nazianzenus in Oratione, quam coram Gregorio Nyſſeno habuit, affirmat Moyſen Sacerdotum Sacerdotem, Principumq. Principem à Deo electum. Et ſanctus Auguſtinus quæſtione 23. in Leuiticũ, vtrumq. Moyſen videlicet, atque Aaronem ſummos Sacerdotes fuiſſe teſtatur; Idemq. repetit tractatu in Pſalmum 98. Hoc ipſum ſanctus Hieronymus habet libro 1. contra Iouinianum: Et ante hos omnes ſanctus Dionyſius Areopagita capite Eccleſiaſticæ Hierarchiæ quinto. Quæ cum ita ſint, mirum non eſt, ſi Leuitæ, qui illius tempeſtatis Eccleſiaſtici cenſebantur, Moyſi, vt ſuo Iudici, Præſuliq. ſubijcerentur.

### Anonymus.

**I**N primitiua Eccleſia nulla fuit fori diſtinctio. Itaque Iuſtinianus Imperator primus fuit, qui Episcopii Conſtantinopolitani rogatu Eccleſiaſticiſ concediſſit, vt ciuiles eorum cauſa à Superioribus Eccleſiaſticiſ dijudicarentur, ipſo tamen non impedito; quo caſu, & in criminalibus delictiſ Eccleſiaſticiſ à ſeculari Principiſ Miniſtrorumq. poteſtate non eximit, vt aperte legitur in nouella 85. conſtitutione Iuſtiniani Imperatoriſ.

### Reſponſio.

**O**ppoſita omnino iſs, quæ dicta ſunt, in ſacriſ Litteriſ, ſacriſq. Concilijs reperio. Nam quo tempore primitiua vigeſbat Eccleſia oſtendit S. Paulus, Episcopum, & ius dixiſſe, & Eccleſiaſticiſ ſubditos, vt oportebat, iudicaſſe. ita enim ex illiſ verbis capitiſ quinti primæ Epistolæ ad Timotheum Ephęſiorum Episcopum patet. *Aduerſus Preſbyterum accuſationem noli recipere, niſi ſub duobus, vel tribus teſtibus.* & in generali Concilio Chalcedonenſi, quod priuſquam Iuſtinianus naſceretur coactum eſt, ſic legitur Canone nono. *Si Clericuſ aduerſus Clericum habet negotium, non relinquat Episcopum ſuum, & ad ſecularia iudicia non recurrat.* Qui igitur affirmare audeat nouus iſte Theologuſ in primitiua Eccleſia nullam fori diſtinctionem fuiſſe, primumq. Iuſtinianum, quaſi ingenti aliquo beneficio ius in Eccleſiaſticiſ

*stasticos Ecclesiasticis Prælatiſſe? Neque vëro Chalcedo-*  
*nense tantum Concilium, ſed & Agathenſe Canone-32. ait: Cleri-*  
*cus, nec quemquam præſumat apud Secularem Iudicem Epifcopo non permit-*  
*tente pulſare: & ſi pulſatus fuerit, non reſpondeat, nec proponat, nec audeat*  
*criminale negotium in iudicio ſeculari proponere; Et Concilium Carthagi-*  
*nienſe tertium prioribus vetuſtius, quippe quod centum circiter &*  
*triginta ante Iuſtinianum annis celebratum eſt, Canonenono. Item*  
*(inquit) placuit quiſquis Epifcoporum, Presbyterorum, Diaconorum, ſeu Cle-*  
*ricorum, ſi dereliſto Eccleſiaſtico iudicio, publicis iudicys purgari voluerit,*  
*etiãſi pro ipſo fuerit prolata ſententia, locum ſuum amittat, & hoc in crimi-*  
*nali actione, in civili vëro perdat, quod emittit. Et Concilium Mileuitanum,*  
*itidem antiquiſſimum, vt Carthaginienſe Canone decimonono.*  
*Placuit (inquit) vt quicumq. ab Imperatore cognitionem iudiciorum publico-*  
*rum petierit, honore proprio priuetur. Hinc habemus quale ſit mendacium,*  
*fori diſtinctionem ante Iuſtiniani tempora negare! Sed quoniam*  
*Iuſtinianus nimium ſibi in cognoscendis Eccleſiaſticorum cauſis ar-*  
*rogauit, idcirco Menna Conſtantinopolitanus Patriarcha ab eo pe-*  
*tiit, vt Epifcopis ciuiliũ ſaltem cognitionem cauſarum permitte-*  
*ret; quod & ipſe permittit. Porro auctoritatem iſtiusmodi contra-*  
*ius ſaſq. à Iuſtiniano uſurpatam aperte ex eo conſtat, quod non*  
*ſolum de rebus Clericorum temporalibus leges tulit, ſed etiam de*  
*Spiritualibus, vt ritulos de ſanctiſſimis Epifcopis, deq. ſacroſanctis*  
*Eccleſijs, multoq. clariuſ Photij Nomocanonem legenti explora-*  
*tum eſſe poteſt. Et tamen Theologi omnes, & Canoniſtæ, atque*  
*adeo ipſe Couarruias docent rerum Spiritualium iudicium ad Epi-*  
*ſcopos ſolum, atque ad Summum Pontificem, vt ſupremum Iudi-*  
*cem iure diuino pertinere. Quare non ante Iuſtinianum tantum,*  
*ſed poſt illum etiam vetant Concilia, ne Eccleſiaſtici Secularibus ſe*  
*iudicijs vlla ratione ſubijciant, vt patet ex Concilio Toletano tertio,*  
*Canone 13. alijsq. non paucis. Verum vt omnes intelligant, quàm*  
*infirmum ſit illud fundamentum, quod ex nouella octogefima tertia*  
*Iuſtiniani Conſtitutione (non enim, vt male numerauit Anonymus*  
*eſt octogefima quinta) iactum eſt, perpendatur obſecro, quod idem*  
*Imperator in eadem conſtitutione ait: nullam nimirum eſſe poteſta-*  
*tem in Seculari Iudice ad Eccleſiaſticos puniendos; niſi prius Cleri-*  
*cali dignitate ab Epifcopo exuantur. Atque illis verbis vtitur: Prius*  
*hunc ſpoliari à Deo amabili Epifcopo Sacerdotali dignitate, & ita ſub legum*  
*ſieri manu. Quod ſi Eccleſiaſticus ſub legum manu non eſt, hoc eſt Se-*  
*cularibus legibus non ſubijcitur, niſi prius Clericali dignitate ab*  
*Epifcopo exuatur; quomodo Secularis Iudicis ſententiæ ſuberit, dum*  
*adhuc Clerici retinet dignitatem? Et eadem Conſtitutione Impera-*  
*tor ait,*

tor ait, leges Imperatorum non dedignari sacros Canones sequi. Cū igitur sacri iidem Canones decreuerint, vt Ecclesiastici ab Ecclesiasticis Superioribus diiudicentur; qua ratione seruabitur ea Constitutio, quæ cum aliter statuatur, sibi ipsi repugnet necesse est? Accedit postremo, quod huiusmodi lex plerisq. adeo iniqua visa est; vt Federicus Secundus Imperator illam vnà cum aliis omnibus, quæ Ecclesiasticam libertatem oppugnant, antiquauerit: Ita enim in prima eius Constitutione legimus. *Sanè infidelium quorundam, & iniustorum adeo iniquitas abundauit, vt non dubitent contra Apostolicam disciplinam, & sacros Canones statuta sua confingere contra Ecclesiasticas personas, & Ecclesiasticam libertatem. Et inferius. Item statuimus, vt nullus Ecclesiasticam personam in criminali questione, vel ciuili trahere ad iudicium Seculare præsumat contra Constitutiones Imperiales, & Canonicas sanctiones. Quod si fecerit, Actor à iure suo cadat, & iudicatum non teneat, & Iudex sit tunc iudicandi potestate priuatus.* Et multo ante Federicum Basilii Imperator. Nicephori Imperatoris legem aduersus Ecclesiasticam libertatem rescidit; cū diceret inde innumerabiles in Rempublicam calamitates profectas. Legite si placet Balsamonem in Nomocanonem Photii, vbi primum Canonem Concilii Constantinopolitani tum primi, tum secundi fufius exponit. Atque hæc ad Iustiniani auctoritatē satis

### Anonymus.

**N**Equè vero quod Magnus Constantinus Imperator cū libelli aduersus Ecclesiasticas personas conscripti afferrentur ea verba dixerit; Vos à nemine iudicari potestis, quia ad Dei iudicium reseruamini, vt scribit Gratianus capite Futuram 12. questione prima; inde propterea eruitur Seculari Principi Ecclesiasticos non subesse. Tunc enim Imperator, vt erga Ecclesiam pietatem, benignitatemq. præferret, modum, ac limites excessit, non autem ita animo sentiebat. Nam si illius verba vera essent, nequè Ecclesiastici suorum Prælatorum iudicio subicerentur. Ait enim ad Dei iudicium reseruamini, quod qui diceret grauissimè laberetur.

### Responsio.

**M**agnam profecto Constantino laudem tribuit noster hic. Vt enim ipsum benignum, viumq. inducat, mendacem facit, cū ait illum non idem sentire, & loqui. Sed vt apertum sit, quàm digna fuerit pio Imperatore eius vox, ipsa verba ex Ruffini libro decimo Ecclesiasticæ historiæ capite secundo, subiiciam: *Deus vos constituit Sacerdotes, & potestatem vobis dedit de nobis quoque iudicandi, & ideo nos à vobis rectè iudicamur; Vos autem non potestis ab hominibus iudicari, propter quod*



quod Dei solius expectate iudicium, & vestra iurgia, quacumque sunt, ad illud diuinum referuntur examen. Vos etenim nobis à Deo dati estis Dii, & conueniens non est, ut homo iudicet Deos, sed ille solus, de quo scriptum est. Deus stetit in Synagoga Deorum, in medio autem Deos discernit, & cetera. Vbi animaduertendum, sicut Seculares Principes, si populos respiciant, Dii nominantur, ut inferius videbimus; ita Sacerdotes, si cum Laicis etiam Principibus conferantur, Deos esse, ut hic affirmat Constantinus. Ex quo veluti totius huius controuersiae fundamento optime colligit Magnus Imperator, Imperatores à Sacerdotibus iudicari posse, Sacerdotes ab Imperatoribus non item. Si ergo totius terrarum orbis Imperator, Sacerdotes veluti quosdam Deos & fateatur, & agnoscat, nullamque sibi in eos potestatem, sed eorum in se magnam affirmat; quanto æquius id & re, & verbis fateri debeat in præsentia Venerorum Reipublicae Dux? Neque hinc fit, ut Sacerdotes à suis Prælati iudicari non possint. Sed contrarium sequitur. Superior enim Dei semper nomine iudicat, à quo potestatem accepit, immo per ipsum Deus. Atque ita cum Episcopus in inferioris ordinis Ecclesiasticum fert sententiam, aut in Episcopum pontifex; Deus est, qui illius ministerio fert sententiam. ita igitur ait Constantinus, Episcopos, qui Dii sunt, si cum Laicis conferantur, iudicari à Laicis non oportere, qui Sacerdotibus collati homines non Dii existimari debent: sed penes Deum tantum Episcoporum iudicium esse, quod per ipsius Vicariū Romanum Pontificem administrari intelligitur. pari ratione Seculares Principes, qui in priuatos homines Dii habentur, a priuatis hominibus damnari non possunt, sed à Deo, Vicarii sui hoc est Sacerdotis opera, qui hac potissimum de causa, si principem Secularem respiciat, Deus appellatur. Atque ita Deus ipse Moyse: *Feci te* (inquit) *Deum Pharaonis*, ut nimirum in eum iudicium feras, eumque punias. Quod vero sibi Constantinus persuaferit Romani Pontificis esse, ut Episcoporum causas diiudicet: vel ex eo patet, quod in Cæcilianum Carthaginensem Episcopum, qui à Donatistis accusabatur, numquam ferre sententiam ausus est: Sed illum Romam ad Melchiadem Summum Pontificem transmisit. Et quamquam postremo idem Constantinus in eadem causa iudicium tulerit, id eo fecit, ut Donatistas redargueret, eorumque ora penitus obstrueret, atque eo animo, ut veniā deinde ab Episcopis peteret, quod necessitate coactus, nullius sui iuris causam attigisset. Testantur hoc Optatus Mileuitanus libro primo aduersus Parmenianum; S. Augustinus Epistola 48. & 162. aliisque permultis.

## Anonymus .

**S**ubsunt igitur Ecclesiastici homines, ac Seculares Seculari Principi iura diuino. Omnis anima sublimioribus potestatibus subdita sit. Atque huius ratio est, quod sicut nemo à necessitate obtemperandi Deo solutus esse potest, ita neque à necessitate Principi obtemperandi solutus est. Vt enim subdit Apostolus, Omnis potestas à Deo est. Quocirca à Dauid Propheta, Reges, ac Principes Seculares Dij nuncupantur. Deus stetit in Synagoga Deorum, in medio autem Deos iudicat. ut enim Iosaphat Rex Paralipomenon libro 2. cap. 19. exponit, Seculares iudices, non hominum, sed Dei iudicia exercent. Hac eadem verba de Secularibus Principibus loquens affert Christus apud Ioannem cap. 18. Confirmatq. illis Deorum nomen congruere, Si illos dixit Deos, ad quos sermo Dei factus est, ut doctè animaduertit Cardinalis Bellarminus cap. 3. eius libri, quem de Laicis inscripsit.

## Responsio.

**S**I contrarium omnino concluderetur hoc est, Non igitur Ecclesiastici, neque seculares iure diuino seculari Principi subiacent, sed seculares iure humano, Ecclesiastici nullo iure; conclusio optimè ex ijs quæ disputata sunt deduceretur. ostendimus enim principes in suos populos humano non diuino nomine imperium obtinuisse. Quod si hoc non ita se habet; afferat quæso in medium Aduersarius locum aliquè sacræ Scripturæ, ex quo doceat Venetos, Patauii, Veronæ, aliarumq. huiusmodi Ciuitatum Dominos esse. Quod si in controuersiam vocaretur quale in Cypri Regnum ius habeant, nullum credo Scripturæ locum producerent, quo tamquam obsignatis tabulis agendum sibi putarent, sed donationis, veteris possessionis, aliaq. huiuscemodi humana nomina. Si autem nullum diuinum ius afferre possunt in Patauinos, aut Cyprios Laicos, qui ostendere poterunt in Clericos? Sed vltèrius progredior, atque aio iure diuino Laicos omnes etiam Principes Sacerdotibus subesse, eodemq. iure Sacerdotes ab illorum dominatione eximi, vt modo fatentem audiui-  
mus Constantinum Imperatorem. nam ex sacris Scripturis, quæ ius diuinum positum complectuntur, Sacerdotes Pastores sunt, Laici quamuis principes, oues, Sacerdotes patres, Laici filii, ac iuxta naturæ inductionem (quæ ius diuinum naturale est) ouis pastori, non illi pastor parere debet; filius itidem patri, non pater filio. Atque hac in re egregia est, ac pulcherrima similitudo illa, qua vtitur Gregorius Nazianzenus in oratione ad populum timore perculsum, & præ fidem irascentem, quam ferè omnes Theologi amplexi sunt, hoc est,  
sicuti



sicuti in homine & ratio est & corpus, quæ duo coniuncta hominem efficiunt; ita in Ecclesia potestatem esse Ecclesiasticam siue spiritua-  
 lem, & secularem siue politicam: ex quibus duabus partibus mysticum Ecclesiæ corpus conflatur. Atque ut in homine ratio do-  
 minatur in corpus, non item corpus in rationem, nisi cum rebellat; ita spiritua-  
 lem potestatem seculari præesse, ac proinde hanc ab illa regi, subijci, & puniri si quando opus sit: Contra verò potestatem  
 secularem spirituali nulla ratione præferri, quam neque dirigere, neque punire possit, neque illi vel minimum imperare, nisi rebellio-  
 nem tyrannidēq. instituat, sicut nonnunquam & Gentiles, & Hæreti-  
 ci Principes ausi sunt. Sancti Pauli verbis iam supra respondimus, verum quidem esse omnem potestatem à Deo proficisci, sed aliam  
 immediatē, aliam mediatē; atque ut nemo à Dei obedientia excipitur, ita neque excipi ab eorum principum obedientia, qui in ipsum  
 ius habent, & iis in rebus, quæ in ipsius potestatem cadunt. verum etiam est Principem quā princeps habetur, vicariam Deo in suo  
 munere operam præstare, atque idcirco parendum illi esse in rebus quæ ad ipsius potestatem pertinent, quemadmodum & Deo, ut ait  
 S. paulus epist. ad Ephes. cap. vlt. *Servi obedite Domini carnalibus sicut Christo*; & Cardinalis Bellarminus cum scripsit principes seculares  
 Deos in sacra Scriptura nominari, ideo fecit ut Hæreticos Anabaptistas convinceret, qui docent in Ecclesia nullos esse seculares prin-  
 cipes, nulla tribunalia, nulla iudicia, nullam reipublicæ administra-  
 tionem. imo idem Cardinalis, qui seculares principes secularibus hominibus collatos deos dixit; sacerdotes collatos cum prin-  
 cipibus Deos non semel appellavit, paret hoc ex septimo cap. libri primi de Summo Pontifice; alijsq. huiusmodi. Itaque si Anonymus  
 Cardinalem Bellarminum imitari velit, iam videt ut arbitror quid sibi sit agendum. oppugnanda est Hæreticorū impietas, non libertas  
 Ecclesiastica labefactanda: eruendus ē scripturis optimus doctrinæ succus apum more, non venenum & noxiæ aduersus pietatem ac reli-  
 gionem propositiones.

### Anonymus.

**P**ergit Apostolus, ait, Qui potestati resistit, Dei ordinationi resistit. *en potestas quæ apud Principes seculares est leges condendi, quæ & res omnes, & cuiusq. generis homines complectantur iuxta ea quæ habentur in Proverbijs Salomonis, ubi ita Deus loquitur. Per me Reges regnant, & legum conditores iusta decernunt. Hinc profectū est ut Christianissimi Imperatores Iustinianus, & Theodosius multas in Codice leges tulerint, quæ tum ad personas Ec-*  
*clesia-*

eleſtaſticas tum ad illarum bona, vitaq. diſciplinam pertinerent ſub titulis de Episcopis & Clericis, De ſacroſanctis Eccleſijs, &c. His legibus obtemperandum præcipit Apoſtolus, nulla q. ratione reſiſtendum. qui enim ita contra huiusmodi leges obſtituntur, ipſi ſibi damnationem acquirunt, hoc eſt mortaliter peccant, quo in vita ſtatu, ſi diem obirent, æternis Inferorum pœnis maſtaretur.

### Reſponſo.

**O** Admirabilem hominis ratiocinationem, quæ iis ex locis con-  
cluſiones eruit, in quibus nemo vnquam inefſe ſomniauit: Vbi  
nam, oro, ſcripſit Apoſtolus penes principes ſeculares leges ita con-  
dendi facultatem eſſe; vt & res omnes, omniſq. generis homines  
complectantur? poterunt igitur iidem ſeculares principes legem  
proponere de ſacri faciendi, deque diuini officii recitandi ratione: co-  
gent Laicos ad miſſæ ſacrificium celebrandum, ad nuncupandum ca-  
ſtimoniæ votum: contra compellent Sacerdotes ad nuptias, proque  
Canonicarum horarum libro gladium illis tradent, omneſq. neceſſa-  
rio obtemperabunt: cum huiusmodi leges condendi, quæ tum res  
omnès tum perſonas complectantur, poteſtatem à Deo acceperint.  
Cum Ethnici principes leges promulgabant, vt Chriſtiani catholi-  
cam fidem defererent, Diisq. ſacrificia offerrent; non poterant vide-  
licet Chriſtiani iure illud detrectare imperium: quando S. pauli præ-  
ceptum ad ethnicos poſſimū principes, cuiusmodi illius tempeſta-  
tis erant omnes, pertinebat, & iuxta noui huius Interpretis expoſi-  
tionem, ex S. Pauli præcepto conſicitur auctoritatem habere huius-  
modi Principes leges condendi de omnibus rebus, quæque omnes  
nemine excepto cogant ſub Imperium. Nonne demum ſentis, quot  
abſurda ex paucis admodum tuis verbis conſequantur? & tamen  
non vereris addere congruum id eſſe Solomonis prouerbiis? Neque  
intelligis ipſis te Salomonis verbis iugulari? Cum enim ait diuina  
ſapientia, *Per me Reges regnant, & legum Conditores iuſta decernunt*, aper-  
tè demonſtrat iuſtas tantum leges à diuina ſapientia ortum habere;  
cæteras quas nonnunquam de alienis rebus, vel de alienis perſonis fe-  
runt Principes aliaq. ratione iniquas, ex ſe ipſos ferre, neque vnquam  
eaſdem à Deo probari. Quod autem adiicis Iuſtinianum, & Theo-  
doſium leges de perſonis Eccleſiaſticis, de earum bonis, atque Eccle-  
ſiaſtica diſciplina coſcripiſſe, iam reſponſum eſt hac in re, *Secularis*  
hoc eſt, ſuz poteſtatis limites egreſſos; ~~non~~ verò dicis præcipere,  
cum Apoſtolum, vt illis legibus pareamus, peregre regie mentiris. nam Apo-  
ſtolus generatim loquitur Superioribus à ſubditis obtemperandum.  
Cumque mox ſecularium principum exemplum adducit, illos intel-  
ligit

ligit Principes, qui tùm Ethnicî erant; atque ideo verba Apostoli nulla ratione ita accipi possunt, vt velit Christianos ijs legibus obtemperare, quæ aut diuinum cultum, aut Ecclesiasticam disciplinam attingerent, sed ciuilibus tantummodo, quibus morem gerere necesse erat, vt ceteros non offenderent, vtq. pacem charitatemq. custodirent: deniq. ne ethnicis daretur occasio Christianæ fidei obrectandi, si illa ciuili administrationi aliqua ex parte repugnare visa esset.

### Anonymus.

**P**raterea iubet Apostolus Principi ab omnibus tributum exolui, qui enim illud exoluit Principi exoluit Deo, Cui vestigal vestigal, Cui tributum tributum, sunt enim ministri Dei ad tributa, quæ verba explicans, Angelicus Doctor, S. Thomas Aquinas, omnium Theologorum magister, vnicus Catholica schola sol, ait quod Clerici à tributo exsoluendo liberi sint, id non sicut aliqui arbitrantur, à iure diuino, sed à secularium Principum priuilegio acceptum. Hoc demum autoritate, S. Pauli de Principis potestate claudo. Nō eni in, ait, sine causa gladiū portat, Dei enim minister est ad vindictā, en Principis secularis potestas puniendi noxiōs pœna sanguinis, quam cum Ecclesiastici Præsules à Deo non habeant, si forte Clerici deliquerint, eos Ecclesiastica dignitate exuunt, ineptosq. ad eandem sustinendam pronunciant, nec. ulterius progrediuntur: si vero morte multandi sunt, tradunt eos brachiū seculari. Et ne quis existimet verba illa Apostoli consilij potius esse quam præcepti, vt rem omnem confirmet, ait, Ideo necessitate subditi estote non solum propter iram, sed etiam propter conscientiam. Ex quo habemus cogi nos omnino, seculari Principi obedire ijs omnibus in rebus, quas ab Apostolo edocti supra memorauimus.

### Responsio.

**H**icce in rebus illud primo loco animaduertendum est confingi scripturæ testimonia à nostro hoc, aut ad libitum deprauari, nusquam enim apud S. Paulum illa reperi verba, *Sunt enim ministri Dei ad tributa*. neque illa, *Dei enim minister est ad vindictam*, & quamquam posterioris sententiam deprehendo, tamen nunquam puravi licere in scripturæ testimonijs, quæ ipsis Dei verbis tradita sunt, vel minimum quidem inuerrere aut immutare; tunc præfretum quando aliam omnino sententiam efficiunt, vt illa

sunt, *Sunt enim ministri Dei ad tributa*; nam S. Paulus non ait Principes Dei esse ministros ad exigendum tributum, sed ad publicam quietem tuendam; ut exponunt S. Chrysostomus, alijq. Patres ea verba: *Ministri enim Dei sunt in hoc ipsum seruientes*; neque S. Thomas, cuius tu auctoritate videris niti, nobis aduersatur; tributum enim Principibus veluti stipendium pro susceptis in administratione laboribus deberi contendit. & tamen certum est stipendium Deo nullum exolui; ac proinde non sunt Principes Dei ministri ad tributa accipienda, sed ad populos regendos. Cum igitur S. Thomas ait: *Hoc ipsum*, idest pro ipso non significat pro Deo, sed pro recipiendo tributo seruientes, ubi noster hallucinatus est: quod vero S. Thomam affert, ut ostendat Ecclesiasticos à persoluendis tributis, Principum beneficio liberatos; hoc quidem confirmat S. Thomas, historijsq. congruit ut inferius dicemus; non tamen ait ille id quod ei falso videtur auctor tribuere, hoc illis iure etiam diuino non deberi; imò contrarium plane habet, dum tradit Principum beneficio à persoluendis tributis Ecclesiasticos liberatos esse, eo quod ita naturalis æquitas postulet. Qua in re nihil aliud voluit nisi Principes naturale ius, quod etiam diuinum est, esse amplexos. Quod vero ad postremum attinet, ubi pernegat Anonymus vllam esse in Ecclesia potestatem, morte quenquam multandi, non video à quibus id acceperit, nisi forte à Vualdensibus hæreticis mutuatus est, ab Hussitis, & à Marsilio Patauino alijsq. huiusmodi qui Ecclesiæ vtriusque gladij negabant potestatem. Non inficior sane Ecclesiam huiusce modi capitalibus poenis non vti, non ea quidem de causa quod ipsius potestatem excedant, sed ut Ecclesiasticam potius mansuetudinem custodiat, quæ ab huiusmodi abhorret supplicijs. Audi, si placet, quod ait S. Bernardus lib. 4. de consideratione ad Eugeniũ Pontificem: *Vterque ergo Ecclesia, & spiritualis scilicet gladius & materialis, sed is quidem pro Ecclesia, ille vero & ab Ecclesia exercendus est; ille Sacerdotis, is militis manu, sed sane ad nutum sacerdotis, & inssum Imperatoris*. Quod S. Bernardi testimonium confirmauit deinde Bonifacius Pontifex in extrauag. vnã sanctam, de maiorit. & obediẽ. Concludit auctor: aitq. S. Paulum cum obtemperandum scribit Principibus, non consilium dare illis verbis, sed imperare: quod quidem verum est: sed ut supra exposuimus, intelligendum: eos nimirum qui iusto aliquo nomine Principi subditi sunt, ijsq. in rebus quæ in illius cadunt potestatem, obtemperare debere. Ex quo etiam fit seculari Principi Ecclesiasticos, quod excepti sint, subiectos

non esse; sed laicos tantummodo, eosq. in civilibus negotijs, quæq. Dei præceptis nõ aduersantur. Vnde & illud intelligi potest, quanto feelere hodie se Venerorum Respublica obstringat, quæ non solum Ecclesiasticos habet in vinculis; sed per vim tum illos, tum etiam laicos ad violandum Summi Pontificis interdictum compellit, cum negotium istud plane sit spirituale, atque Ecclesiasticum.

## Secunda Anonymi propositio.

**C**hristus seruator noster & si, quatenus Dei filius Patri aequalis, Rex est regum, & dominus dominantium, tamen mortali corpore indutus, tum ante obitum, tum post sanctissimam Resurrectionem, temporalis Principis potestatem nunquam exercuit, Regnum temporale non habuit, ut à Pilato interrogatus, Rex es tu? Tu dicis, respondit. Sed tamen, te (inquit) moriturus volo; quamuis Rex sim, regnum meum non esse de hoc mundo, hoc est temporale: Quapropter cum populi, qui ab illo diuinitus quinque panibus ac duobus piscibus saturati sunt, Regem illum creare tentarunt, aufugit, ne raperent, & facerent ipsum Regem, neminem iudicare voluit: illisque, qui postulabant, ut de ipsorum controuersia sententiam ferret, respondit, Quis me constituit iudicem super vos? imo Pilatum Caesaris ministrum iudicem suum agnouit, Non haberes in me potestatem, nisi tibi data esset desuper: ut animaduertit S. Thomas in epist. ad Romanos.

## Responsio.

**S**ecunda hæc propositio nihil ad nostram controuersiam: quæ non de Regnis temporalibus, sed de Ecclesiasticis est rebus. Illud tantum facit, quod auctoris deprauatum animum lapsusq. patefacit: Aio igitur Christum, quatenus homo erat, nullâ in hac vita secularis Principis potestatem exercuisse, ad patiendum enim & seruandum venerat, ut ipsemet dixit, utq. homines diuitiarum, & honorum contemptum doceret, atque humilitatis & obedientiæ exemplo superbis ac cõtumacibus beatæ vitæ iter commonstraret. Filius hominis non venit ministrari, sed ministrare, & dare animam suam redemptionem pro multis. Matth. 20. Filius hominis non habet, ubi caput suum reclinet. Luc. 9. Discite à me, quia mitis sum & humilis corde. Matth. 11. Scitis gratiam Domini nostri Iesu Christi, qui propter nos egenus factus est, cum esset diues. 2. Corinth. 10. Humiliauit semetipsum factus obediens usque ad mortem, mortem autem crucis. ad Philipp. 2.

Sed illud author omittere non debuit Christum, modo libuisset, etiam ut homo erat, rerum omnium temporalium dominatorem accipere potuisse, sequè Regem aut Imperatorem suo arbitratu creare. ait enim S. Ioan. cap. 11. *Omnia dedit ei Pater in manus.* & S. Paul. c. 1. epist. ad Hebr. *Quem constituit heredem uniuersorum.* Male etiam dixit, Christum, post resurrectionem, temporalis Principis potestate non vsum: siquidem (ut addere oportuit) ille post Resurrectionem vniuersum terrarum orbem, etiam ut homo est, regit, non quidem temporalis Princeps sed æternus, temporalibus omnibus superior, ut initio Apocalyp. testatur S. Ioann. *Qui est primus genitrus mortuorum, & Princeps Regum terra.* & ipse. *Data est mihi omnis potestas in calo, & in terra.* Matth. 28. quæ potestas proprie temporalis non est, quia æterna, rebus tamen omnibus temporalibus præest atque æternis. Pilatum vero à Christo Iudicem suum agnitum fuisse, sine magno profecto erroris lapsu dici non potest. nam Christus, etiam ut homo, summus erat Pontifex cum potestate, excellentiæ; imo caput erat hominum, & Angelorum, quare neminem se in terris superiorem habebat, neque ab vilo vocari in iudicium poterat iure, licet de facto vocatus fuerit. vbi ipse permisit. Atque hoc significauit Apostolus cum dixit *Humiliauit semetipsum.* Philipp. 2. Porro illis verbis, *Non haberes potestatem aduersus me ullam, nisi tibi datum esset de super.* quibus viderur Christus Pilatum Iudicem à Deo in sua causa constitutum agnoscere, responderetur, ibi per potestatem, permissionem intelligi, & sensum esse futurum fuisse, ut Pilatus nihil contra Christum aggredi posset, nisi permisisset Deus; quæ etiam illorum verborum sententia est, *Hæc est hora vestra & potestas tenebrarum.* Luc. 22. Hanc responsionem afferunt S. Chrysost. & S. Cyrill. in cap. 19. S. Ioan. Sed quoniam S. Thomas in cap. 13. epist. ad Rom. allata S. Ioan. verba de potestate intelligit, quam seculares Principes à Deo acceperunt; concedimus potestatem, qua Pilatus, ut Cæsaris minister, præditus erat, à Deo manasse: à quo omnis vera potestas proficiscitur. Quod vero etiam Christi causam attingeret, id ex Pilati inscitia oriebatur, qui Christi dignitatem ignorabat, enimq. ut priuatum eius regionis, cui ipse præerat, hominem iudicauit: quo modo, si nunc ad secularem Iudicem sacerdos, laici nomine, ac vestitu, postularetur, posset quidem, quod ad se pertinet, in illum eadem authoritate, qua in cæteros laicos ferre sententiam; non tamen

hinc



hinc sequitur Clericos laicorum iudicio subijci, aut Christum olim Pilato fuisse subiectum.

### Anonymus.

**T**andem praecepit, ut tributum seculari Principi hoc est Caesari penderetur, Reddite quæ sunt Caesari Caesari. Nonnulli hanc propositionem oppugnant, dicuntque etiam si Christus Caesari tributum tum suum, tum Petri persoluerit, dixisse tamen se nulla tributorum lege teneri. Nunquid filij debent soluere tributum? quibus verbis temporalis Principis auctoritatem ostendit, qui ab exoluendi tributi necessitate liber est. His tamen ita respondetur eius regionis homines (ut Doctores quidam affirmant) filios appellatos, nullis tributis obstrictos fuisse, ac proinde Christum ac Petrum non legis necessitate, sed sua sponte soluisse didrachma; aut ut melius dicam, se Deum significauit, intellexitq. à Dei filio nullum tributi genus exigendum. Sed quoniam nimis abditum hoc erat sacramentum, quodq. Publicani illi qui tributum curabant, minime intellexissent, subdit. Sed ne scandalizentur. Ex quo colligitur, quanti fecerit seruator noster eorum, qui secularium Principum administri sunt, offensionem. siquidem veram, cui tributum lege non teneretur, rationem, ipsis obscuram attulit.

### Responsio.

**I**mperasse Christum ut Caesari tributum penderetur, verum est; sed minime ad rem, nemo enim adhuc negauit tributum Principibus persoluendum esse ab ijs, qui ea lege obstringuntur, ut ait Sanctus Paulus Reddite omnibus debita, cui tributum tributum, cui vectigal vectigal. ad Romanos 13. sed quod ad Christi tributum attinet, videtur, tibi Marfilij Patavini hæresis vehementer placuisse, qui dixit Christum, Non condenscensione sed necessitate coactum, tributum exoluisse quæ hæresis à Ioanne Pont. 22. damnata est Extrauagan. licet, ut refert Card. Turrecrem. in summa de Ecclesiast. libro quarto. parte secunda. cap. trigesimo septimo. non enim aliud affert nomen, ut ostendas Christum tributi lege solutum, nisi quod eius erat regionis, cuius homines filiorum nomine vocarentur, & quod Deus esset Deiq. filius. Ac prima quidem ratio futilis plane atque inanis est;

tantum enim abest, ut illius regionis homines à tributo persol-  
uendo liberarentur, ut solos ipsos ea lex complecteretur, ut patet  
ex cap. 30. Exodi, quo loco omnibus filiis Israel imperatum est, ut  
singuli dimidium siclum, id est drachmas duas tributi nomine  
penderent: quod deinde tributum usurparunt Romani, ut scribit  
Ioseph. lib. 7. de bello Iud. cap. 26. Secunda vero Christum tan-  
tum excipit, ut Deus est, non ut homo, ac proinde ut homo,  
tuo quidem iudicio tributo obnoxius erat. At hoc ipsum est quod  
in Marsilio damnatum Catholici omnes explodunt. Idem ex tua  
argumentatione colligitur. dum enim ostendere uis Christum  
Principem temporalem non fuisse; illud ultimo loco adducis tan-  
quam robur causæ, quod ipsemet ut Principibus secularibus solue-  
rentur tributa, præcepit. Quæ ratio nullam habet vim, nisi addas  
tributum à Christo persolutum. Et quoniam hic potissimum tui  
argumenti vis sita est; propterea obijcis tibi, aisq. quosdam aliter  
sentire, cum dicant Christum tributi necessitate non fuisse obstri-  
ctum; sed illud libere persoluisse, ne in Cæsaris ministrorum of-  
fensionem incurreret. Iam ex te quæro, Christus ne, ut homo  
erat, hac tributi lege tenebatur? si ais, iam Marsilium hæreti-  
cum Ducem sequeris; si negas, nihil valere tuum argumentum  
fateris; neque ad rem loqueris. Sed his omiſſis, Christus ut ho-  
mo erat, atque Apostoli ab eo tributo liberi erant. Christus enim  
ut homo persona non erat humana, sed diuina, neque adoptiuus,  
sed naturalis filius Dei, qui Rex est super omnes Reges: atque ea-  
de causa tributum nulli Regi pendere cogeatur. Et quoniam si  
Princeps à tributo liber est, familiares etiam liberi esse debent;  
propterea Apostoli, qui familiam Christi conficiebant, ab hu-  
iuscemodi onere soluti fuerunt. Hinc colligunt S. Hieron. in cap.  
17. Matth. & S. August. lib. 1. questionum Euangel. quæst. 23. Cleri-  
cos Principum secularium, quibus tributa imperantur, legibus  
non adstringi, eo quod Christi familia, in qua ipsi censentur, Do-  
mini ratione, ab ea necessitate excipitur. Reliqua, quæ in hac pro-  
positione adijcis, libens omitto: nihil enim faciunt contra nos, at-  
que ita sunt leuia, ut responsionem perdere nolim.



**C**um Christus Dominus noster temporalis Principis auctoritate usus non sit, dicendum minime est illam ab eo, sancto Petro, eiusque successoribus suis Vicariis relictam. Vicarius enim Principe suo maior non est. quare optime Sotus in quartum Sentent. & Cardinalis Bellarm. de auctoritate Papa, de hac eadem re agentes, mirantur Canonistas quod nulla vel ratione, vel novi testamenti auctoritate adducti affirmare ausi sint Pontificem Dominum esse totius orbis terrarum directe in temporalibus; quod non minus est inane quam pessimi exempli. Sat scio proferri præter Canones (qui, cum leges sint humana ubi diuinis aduersantur, nullam habere possunt auctoritatem), proferri, inquam, sanctum Thomam Aquinatem de regimine Principum qui cap. 10. & 19. ait Summum Pontificem dominum esse totius orbis terrarum in temporalibus & spiritualibus: verum ille liber sancti Thoma non est, ut optime demonstrat Cardinalis Bellarminus in lib. de potestate Papa.

### Responsio.

**T**ertia hæc propositio secundæ persimilis est. nam neque id efficit, quod auctor sibi proponit, & animi prauitatem corruptamque in scriptorum afferendis testimonijs fidem declarat. Non conficit quidem, quod ipse vellet: quoniam demonstrandum sibi proposuit excommunicationis sententiam atque interdictum à D. N. Paulo Papa V. aduersus Venetos latum irritum esse; ad quod probandum idem valet dicere, Pontifex totius orbis terrarum Rex temporalis non est, ac si dixisset Rex Gallorum neminem ad triremes damnare potest, quod Episcopus non sit. Nam ad ferendam excommunicationis, aut interdicti sententiam nulla requiritur auctoritas Regia & temporalis, sed Pontificia & spiritualis; sicut contra ut quis alium ad triremes damnet, non est necesse ut spirituali potestate sit præditus, cum sola temporalis abunde sit satis. Laborat præterea vehementer eius fides in afferendis scriptoribus, ut ex locis patet, quæ tum à Soto, tum à Bellarmino mutuatus est. neuter enim tam intemperanter loquitur, ut dicat se mirari quod Canonistæ nulla ratione, nulla sacrarum Scripturarum auctoritate compulsi affirmare ausi sint Papam totius terrarum orbis Dominum directe in temporalibus esse, neque ipsam hanc doctrinam inanem seu mali exempli appellarunt.

Legantur illorum scripta: nunquam tamen istiusmodi, quam hic sibi fingit, admonitio reperietur: imò nunquam eam opinionem Canonistis absolute adscripsimus. non enim ignoramus, etiam ipsos inter se dissidere. Sotus quidem Ioannem Andream ad suam tuendam sententiam affert, & Bellarminus Turrecrematam, ac Nauarrum: afferre etiam poterat Innocentium Quartum in cap. nouit, de iudic. & Glos. ibidem, ubi hac distinctione utitur *directe, & indirecte*: Dissensio vero, quæ inter hos est auctores, non contendit ut Pontifici summa in temporalibus rebus potestas vel adimatur, vel tribuatur, eam enim omnes illi, vnus exceptis hæreticis, a Deo demandatam fateantur, sed in modo potius sita est. nam aliqui crediderunt eam potestatem ita esse apud Pontificem, sicut apud Principes est secularis. Alij vero existimarunt Pontificis potestatem proprie ac per se esse in res spirituales, & ratione illarum ad res etiam temporales summa auctoritate pertinere: ut egregie inter cæteros ostendit auctor opusculi de regimine Principum lib. 3. cap. 11. & 13. siue ille sit sanctus Thomas, siue alius quispiam. nam Bellarminus non negat omnino illud opus à sancto Thoma conscriptum, sed aliorum refert ea de re non incongruam dubitationem. nam ibidem narratur quiddam, quod post sancti Thomæ obitum accidit. & idem Bellarminus ait optime stare posse, ut quod narratur ab alio, postquam Diuus Thomas excesserit è vita, in eo libro insertum sit, atque idcirco huiusmodi responsione omissa, aliam longe firmiorem affert, cum eius libri locum alijs eiusdem multis explicat locis, sed nullà est Anonymo danda venia, quod adeo temere in sacros Canones obloquutus sit. ait enim: *Sat scio proferri præter Canones (qui cum leges sint humana, ubi diuinis aduersantur, nullam habere possunt auctoritatem) proferri, inquam, sanctum Thomam &c.* quæ verba maximum profecto sacrorum Canonum contemptum habeant, & qualem nunquam Catholicus vir vel imprudenter effutire ausus sit. hic enim, ut patet, nihil laborat, utrum id, quod docet, sacris Canonibus consentiat, nec ne. imo (quod peius est) responsionem ad illos superbissime omittit, ac si nullius essent ponderis; præterea cum eos leges humanas appellat, perinde quasi Spiritu sancto assistente non essent conscripti, valde diuersa ratione loquitur atque sancti loquuntur Patres, qui eos semper & sacros, & sanctos, & à Deo traditos nominarunt. Audi sanctum Leonem Anatholiæ scribentem: *Nimis hac improba, nimis sunt praua, quæ sacratissimis Canonibus inueniuntur esse contraria.* Addit demum noster Canones cum

cum diuinis legibus collatos æquam non habere auctoritatem, ubi Canones hac in re diuinis legibus oppositos ostendit; ac proinde nihili faciendos. Quid hoc aliud est quam non solum sacrorum Canonum auctores impietatis atque impudentiæ insimulare; quã leges diuinis præceptis aduersas tulerint, sed etiam vniuersam Ecclesiam exagitare, quæ eosdem Canones vt suamet instituta per summos Pontifices perq. sacra Concilia à Spiritu sancto tradita collic atque obseruat?

### Anonymus.

**V**T vim huius nostra propositionis infringant nonnulli, aiunt ab Alexandro VI. Pont. diuisum Hispania, & Lusitania Regibus India Regnum: cuius ille vt Christi Vicarius, naturalis Princeps esset, temporalis. Præterea à Leone Tertio Occidentis Imperium eadem de causa Carolo Magno concessum. Sed planissime decipiuntur: nam Alexander non vt Dominus, sed vt Iudex compromissarius à Regibus ipsis ad sedandam discordia flammam electus, lata inter eos sententia decreuit, vt maris utrinque velut appposito termino secarentur: atque vt alterius classis in mari altero, ipso altero alterius nauigaret, & quodcunque intra eos terminos iure belli sibi peperisset, iure ad eos deuolutum iuxta regnorum diuisionem videri, vt tradunt historici. Leo Tertius cum sua Sede à Populo Romano depulsus esset, paulo post à Carolo Magno restitutus, vere quidem dedit operam vt Populus ipsi Carolo tanquam Imperatori acclamaret, vt testatur Platina: atque eam Caroli electionem modo Historici Populo Romano tribuunt; qui cum Imperium perpèram à Grecis administrari animaduerneret; antiquo suo iure alium Imperatorem elegerit: idem modo affirmant Carolum iam per se regionum Dominum Imperatoris sibi nomen ab Irene, & Nicephoro coemisse, modo Irenem ac Nicephorum illi electioni consensisse. demum, quomocunque se res habeat, certum est Pontificem qui è sua sede depulsus erat, neque ullam obtinebat regionem, Occidentis Imperium Carolo minime permisisse, qui eo pridem iure belli potiebatur.

**S**icut propositio non facit ad rem, ita neque rationes quæ vtrinque afferuntur. idcirco in eo tantummodo morabor, ut noui huius theologi errata aperiarn. Ait igitur ab Alexandro Sexto constitutum in Indico mari inter Hispaniæ, ac Lusitaniæ Reges terminum, decretumque ab eo, ut quodcunque in suam potestatem redegissent, illo iure belli potirentur. Si eo verbo, *iure belli* iustum intelligit bellum, quod illatam prius ab ijs iniuriam postulat, quibus bellum inferitur, ut explicat sanctus Augustinus in lib. quæstionum super Iosue quæstio. 10. non fallitur. Sed si putat Ethnicis Indiæ populis bellum iure inferri, cum nullæ præcesserint iniuriæ, ea solum de causâ ut regiones suo imperio quis adijciat; vehementer errat, & contra omnes fere optimos Theologos sentit. ut contra Cardinalem Caietanum in Commentario secunda secundæ quæst. 66. artic. 8. & Sotum quinto de iustitia & iure quæst. 3. artic. 5. & in quatto sententiarum distinct. 5. quæst. 1. artic. 10. & Victoriam relectione secundæ de iure bell. qui aiunt Ethnicos Indos veros esse ac proprios suarum regionum Dominos, nam ut docet sanctus Thomas 2. 2. quæst. 10. artic. 10. fides, & gratia naturam non tollit, ac proinde neque iustum dominatum, quo quis antequam fidei Christianæ nomen daret potiebatur: quam etiam ob causam dicit Sotus ab Alexandro VI. eo nomine traditam fuisse Indiæ possessionem Castellæ, & Lusitaniæ regibus, ut cum Concionatores in eas regiones mitterentur, armatos ipsi adijcerent milites tum ad eorum, tum ad nouorum Christianorum defensionem. Addi etiam potest Alexandrum Christianæ reipublicæ caput, cum imminens inter Christianos Principes belli ob Indorum commercium periculum animaduerneret, statuisse ut Castellæ Rex ad Indias tantum occidentales, Lusitaniæ ad orientales navigator. Attingit præterea Anonymus translatum à Leone Tertio Imperium, & cum non ignoret controuersiam, quæ hac de re magna est inter Matthiam Illyricum Lutheranum hæreticum, & Bellarminum, visum est illi (ut peiorem semper sequitur partem) hæretici erroribus insistere: atque ita testatur à populo Romano Carolum Magnum Imperium accepisse, seu Imperatoris nomen ab Irene & Nicephoro pecunia emptum, seu demum Irenem & Ni-  
cepho-

cephorum eidem diuisioni assensos . Postremò certum esse  
 ait Occidentis Imperium Carolo Magno à Pontifice non de-  
 mandatum . Et tamen Bellarminus triginta tribus allatis hi-  
 storis, decem Imperatorum , omnium Imperij electorum ,  
 septem summorum Pontificum testimonio , clarissimisque  
 argumentis , consideratis diligenter singulis iusti Imperij no-  
 minibus , docet in Carolum Magnum translatum à Leone  
 Tertio Pontifice maximo Imperium . Ex quo habemus tum  
 Illyrici tum noui huius Theologi sententiam inter historicos  
 hæresim , inter Theologos temeritatem appellari posse ;  
 nam & omnibus Historicis repugnat, & sacris Canonibus. In-  
 nocentius Tertius, vt reliquos omittam in capite Venerabi-  
 lem, de electio. ita loquitur; *Romanum Imperium in personam*  
*magnifici Caroli Sedes Apostolica à Græcis transfuit ad Germanos .*  
 & Clemens Quintus, vna cum Concilio generali Viennensi  
 in Clementina, quæ incipit *Romani Pontifices*, idem habet.  
 Quomodo igitur temeritatis crimen non subeat, qui duo-  
 rum Summorum Pontificum, atque vnius generalis Concilij au-  
 thoritatem nihili æstimandam putet? Neque verum est Pla-  
 tinam cum aduersario consensire. solum enim refert à Pon-  
 tifice, Populi Romani tum decreto tum rogatu, Carolum  
 Imperatorem creatum, hoc est, Populum Romanum de-  
 creuisse vt rogaretur Pontifex, quo Carolum Imperatorem  
 crearet. Neque itidem verum est à Carolo Romanum Impe-  
 rium partum esse iure belli: (nullum enim ipse bellum gessit  
 aduersus Romanos) neque illud: coemisse nimirum ab Irene,  
 & Nicephoro Imperatoris nomen. sunt enim ista Matthiæ Illy-  
 rici vanissima figmenta. neque verò Imperium à Populo Roma-  
 no Carolus accipere potuit. nam nec Populus, nec Senatus cre-  
 andi vnquam Imperatoris ius habuit: omnesque ab exercitu  
 aut ab alijs Imperatoribus electi sunt. propterea Maximus, &  
 Balbinus qui à Senatu electi fuerant, mox à militibus qui impo-  
 ni sibi à Senatu Imperatores ægre ferebant, sunt interfecti, vt  
 testatur Herodianus, lib. 8. hist. idcirco ait sanctus Hieronymus  
 epist. 35. ad Euagrium Imperatores ab exercitu creati consue-  
 uisse. Demum non impedit, quominus Imperium Leo trans-  
 ferret in Carolum, quòd eodem ipse Leo non potiretur. non  
 enim possessionem illi tribuit, sed nomen ac ius, ob quæ legi-  
 timus

timus earum Regionum Princeps esset in posterum, quæ ab occidentalibus Imperatoribus regebantur, dignitatem præterea, & prærogatiuam impertiri, quibus fuerant reliqui illi Imperatores ornati. neque ad hoc faciendum necesse fuit, ut Pontifex imperium obtineret; sed satis erat, si Pontifex esset, hoc est si Apostolica auctoritate præditus; quæ quidem auctoritas dum ita Christianæ Reipublicæ necessitas, aut utilitas postulet, & Reges Imperio exuere, & dominationes transferre potest: sicut non raro à Romanis Pontificibus factum esse non ignoramus.

#### Quarta Anonymi propositio.

**A**uctoritas, quam Petro se daturum Christus seruator noster sub clauum similitudine pollicetur, mere spiritualis est. Tibi dabo clauis Regni cælorum; non ait Regni terrarum, & ratio id docet, quod in Ecclesia hymno legitur, Non eripit mortalia, qui Regna dat cælestia, nam temporale Regnum, & Monarchia, qua ratione esset administranda, iam ab ipsis mundi primordijs maximi Principis Dei auctoritate firmatum erat. itaque Christus seruator noster temporalem Monarchiam non instituit. Relinquitur igitur instituisse spirituales, quod apertum est ex Ioann. cap. 20. ubi postquam dixisset, Data est mihi omnis potestas in cælo & in terra. tamen limitatam eam. S. Petro caterisque Apostolis impertit: Insufflauit, & dixit, Accipite Spiritum Sanctum quorum remiseritis peccata, remittuntur eis, & quorum retinueritis retenta sunt. Quo loco, tum ex eo quod Christus fecit, tum ex verbis, qua protulit elicitur summi Pontificis auctoritatem spirituales esse, & super peccato atque in animas tantummodo, iuxta illius orationis verba, qua visitur Ecclesia in festo S. Petri. Qui B. Petro potestatem animas ligandi atque soluendi tradidisti; qua potestas, ut dixi, limitata est. imo excommunicandi auctoritas eidem S. Petro concessa, est condicionalis. Matth. 18. Si peccauerit in te frater tuus, & Ecclesiam non audiuerit, sit tibi sicut Ethnicus, & Publicanus, quo loco Christus auctoritatem quidem tribuit excommunicandi, sed peccatum prius requirit, & pertinaciam, siue obstinationem.



*Responsio.*

**H**ic bonus vir adeo Summi Pontificis auctoritatem imminuit, ut lectores in eam suspicionem adducat, ut velit Pontificem nihilo plus valere, quam vnum ex reliquis Sacerdotibus, aut Parochis, nullam apud ipsum esse iurisdictionem, nihil posse aliud, nisi ut hortetur ad diuinæ legis obseruantiam, Christi fideles Baptismo abluat, confessiones audiat, sicut Parochi faciunt. Atque ita videtur Vvaldensium, Vvicleffi, Patavini Marsilij, Ioannisque Hus hæresim velle restituere, quam hodie recentiores omnes hæretici amplectuntur: sed ad ipsius verba accedamus. Ait primum Pontificis Romani auctoritatem mere esse spiritualement, quid sibi vult illud, mere? nonne satis erat dixisse spiritualement: nonne melius appellasses præcipue spiritualement? Nauarrus, quem tu, tantopere extollis, quemque omnes hortaris, ut legant, capit. nouit. de iudic. optimisque nixum fundamentis dicis, faterur quidem Pontificis potestatem mere temporalem non esse, non tamen ait esse mere spiritualement, ac si nulla ratione temporales res administrare possit: imo subdit potestatem esse longe excellentissimam: quæ cum per se spiritualis sit, atque idcirco temporali superior, potest et debet temporalem dirigere, sicubi de recta deflectat via, ut supra dictum est. Neque officit quod Christus dixerit, *Tibi dabo clauēs regni cælorum*. non autem dixerit, *Tibi dabo clauēs regni terrarum*; neque vero illud Ecclesiæ, *Non eripit mortalia qui regnā dat cælestia*; hæc enim nihil aliud significant, nisi Christi regnum, cuius Sancto Petro administratio demandata est, eiusmodi dominatum non esse; ut comparari non possit, quin alius eodem spoliatur, sed Regnum esse, quod alia omnia Regna gubernat, neque tamen his dominatum adimat, qui eo iuste potiuntur. Quod si hæc non ita se habent? ne Deus quidem in res temporales per te potestatem habebit. non enim Deus eripit mortalia, qui regna dat cælestia. Deinde ais à Christo Apostolis sanctoque Petro limitatam potestatem, hoc est in peccatum tantum concessam. nam apud S. Ioannem capit. vigesimo. *Insufflauit, & dixit, Accipite Spiritum sanctum, quorum remisistis peccata, remittuntur eis*. At hoc quid est aliud, nisi eorum hæresi subscribere, qui omnem Pontifici Ecclesiæq. iurisdictionem eripiunt, atq. illa non aliis quam Christi ipsius verbis, quæ allatam modo sententiam eodē ipso capite præcedunt, apertissimi erroris cōuincitur.

Nam

Nam antequam diceret: *Quorum remisistis peccata remittuntur eis*. dixit, *Sicut misit me Pater, & ego mitto vos*; quibus verbis absolutam, atque illimitatam administrandæ suo nomine Ecclesiæ potestatem concessit. Itaque Theologi consentiunt his verbis: *Sicut misit me Pater, & ego mitto vos*; potestatem iurisdictionis illis autem: *Quorum remisistis peccata remittuntur eis*; potestatem ordinis significari. At cum infra sancto Petro Christus dixit: *Pasce oves meas*; auctoritatem non coërcuit, ita ut absolutionem tantum peccatorum complecteretur; sed amplissimam tribuit totius regendæ Ecclesiæ: illud enim verbum, *Pasce*, idem est apud Græcos, atque illud quo utitur sanctus Ioannes cap. 19. Apocalypsis: *Et ipse reget eos in virga ferrea*; & quo Micheas cap. 2. iuxta septuaginta interpretum conuersionem: *Ex te mihi exiet Dux, qui regat populum meum Israel*. Itaque si sacra Scripturæ loquendi formam spectamus; idem fuit Petrum pastorem fecisse, ad rectorem, gubernatorem, & Principem totius Ecclesiæ constituisse. Et cum illi dixit apud sanctum Matthæum cap. 16. *Quodcunque solueris, & quodcunque ligaueris, non ad peccata tantum potestatem attuleris, neque itidem ad personas*; non enim dixit: *Quemcunque solueris, vel ligaueris*; sed, *Quodcunque, ut vniuersalem ligandi, atque solvendi; hoc est, præcipiendi, condendi leges; dispensandi, laxandi, prouires ferret, potestatem exprimeret*: qua potestate in perducendis fidelibus ad beatitudinem sempiternam, tum ipse beatus Petrus, tum eius successores ius haberent præscribendi omnibus quid credendum, quidve agendum sit, singulaque impedimenta submonendi, quæ rectum salutis iter intercludere possent, ut fusius demonstrauimus libro primo de Pontifice. Tertio ait Pontificis potestatem ad animas tantum pertinere, atque id ex eâ elicit præcatione: *Deus qui beato Petro animas ligandi atque solvendi Pontificium tradidisti*, quæ ratio si quicquam valet, concludit etiam secularium Principum potestatem non nisi ad animas pertinere. nam sanctus Paulus ait: *Omnis anima potestatibus sublimioribus subdita sit*. quare hic auctor aut nimis est simplex, qui non videat in sacris Scripturis animam pro ipso accipi homine, aut certè simplices homines, Ecclesiæ verbis, ad prauam sententiam detortis, in fraudem inducere contendit. Hinc fortasse non sinè maxima Dei prouidentia factum est, ut ad huiusmodi deceptiones tollendas sacri Breuiarij reformatores ab ea præcatione illud verbum, *animas*, sustulerint, idque iure optimo. nam & clam irrepsit, & perperam retinebatur:



batur; precatio enim ex illis conflata est, *Quodcumque ligaueris,*  
*& quodcumque solueris,* ubi nullum tale verbum reperimus. Po-  
 stremo dicit excommunicandi potestatem condicionatam esse,  
 & quæ peccatum ac pertinaciam, siue obstinationem necessa-  
 rio sequatur: quod nonitium ingentum plane falsum est.  
 Cedo mihi aliquem Catholicum scriptorem, qui id monstrum  
 opinionis sit amplexus: Audeo dicere, Neminem unquam da-  
 bis. Sequitur quidem (fateor) delictum: nam cum excom-  
 municatio & poena, & gravissima sit poena; sine culpa, at-  
 que sine gravissima culpa quæ mortalis non sit, infligi mini-  
 me potest. Fateor etiam necessario antecedere contumaciam,  
 neque ut quis excommunicetur; quodcumque sufficere pecca-  
 tum; nisi etiam accedat contumacia. Dixit enim Christus:  
 Si Ecclesiam non audierit. Quare non eam tantum ob causam  
 excommunicari quis potest quod fur aut adulter sit, nisi prius  
 admonitus parere recusaverit. Sed valde differunt inter se  
 obstinatio atque inobedientia, seu pertinacia & contumacia.  
 nam fieri potest, ut obstinato quis animo persistat in peccato,  
 cuius nunquam ab Ecclesia sit monitus, atque hic quantumvis  
 licet obstinatus, excommunicari non potest: contra vero alius  
 contumax iure excommunicatus erit, etiam si obstinato postea  
 animo in ea non versetur contumacia. & Christi verba: Si Ec-  
 clesiam non audierit, proprie inobedientiam non obstinationem;  
 contumaciam, non pertinaciam significant. Neque est quod in  
 hac re corroboranda laborem: nam nihil æque apud auctores  
 obuium est legenti: aduersarius autem nihil ad suam proban-  
 dam sententiam adduxit, præter vnius testimonij deprauatam,  
 & perperam intellectam sententiam.

### Quinta Anonymi propositio.

**E**Xcipi tum personarum tum Ecclesiasticorum bona à Principis secularis  
 potestate, quamuis nonnulli nescio quo argumento permoti iure diuino  
 existiment: aduersa tamen sententia, iure nimirum humano tantum exci-  
 pi melior est, magisque sacra scriptura, sanctorum patrum dictis, historijs-  
 que consentiens.

## Responsio.

Si illo hic auctor obseruantia genere sanctam Ecclesiam coheret; nunquam adeo intemperanter, absoluteq. diceret bona Ecclesiastica, ac personas ipsas à Principum secularium auctoritate, iure eximi tantummodo humano. nam Tridentinum Concilium sess. ult. cap. 20. apertissime docet Ecclesie ipsius, atque Ecclesiasticorum immunitatem diuina ordinatione, Ecclesiasticisq. legibus institutam. Ac quis tandem erit, modo Christianum dici se velit, qui huiusmodi obsistere auctoritati non pertimescat? neque illam solam habemus; nam ante Tridentinum; Colonienſe parte 9. cap. 20. idem edixit his verbis: *Immunitas Ecclesiastica vetustissima res est, iure pariter diuino, ac humano introducta, qua in duobus potissimum sita est. primum ut clerici, illorumq. possessiones & bona à vectigalibus, &c. Et in Concilio Lateranenſi sub Leone Decimo. sess. 9. ita habetur: Cum à iure tam diuino, quam humano laicis potestas nulla in Ecclesiasticas personas attributa sit, innouamus omnes & singulas constitutiones, &c.* quæ verba è regione huius nostri auctoris temeritati opponuntur, qui ait Principes laicos, iure diuino, in Ecclesiasticas personas potestatem habere. Ex quo patet, quanta sit huius hominis impudentia, qui adeo perfrecta fronte, ac si Philisthi illius Goliath viribus præditus esset, cum Dei legionibus, hoc est cum vniuersali Concilio in aciem prodire non veretur. & ante ea Concilia scripsit Bonifacius Pontifex in cap. quamquam, de censibus, ut rem nobilissimam omniumq. approbatione receptam, Ecclesiasticas personas, atque Ecclesiastica bona à seculari potestate, iure diuino, soluta esse. & multo ante Ioannes Octauus, ut refert Gratianus distinctio. 96. Canon. Si Imperator. scripsit ab omnipotenti Deo constitutum, ut sacerdotes reliquiq. clerici à solis Pontificibus non à seculari Principe ordinarentur, aut iudicarentur. Quodq. hic de personis, prius de bonis Ecclesiasticis vna cum vniuerso Concilio tertio, quod coram eo coactum fuerat Symmachus Pontifex dixerat. in quo etiam Concilio legem de bonis Ecclesiasticis, Ecclesie vtilissimam, eo solum nomine, quod à laico homine lata esset, Patres Concilij reiecerunt. & quod

caput est sacris scripturis mirificè congruit . nam vt habemus in lib. Genes. cap. 43. Ioseph Patriarcha cùm Pharaonis nomine vniuersam Aegyptum regeret, Sacerdotes ijs oneribus liberauit, quæ reliquis ferebat Populus. & lib. 1. Esdræ cap. 7. Artaxerxes Persarum Rex Hebræorum sacerdotes exoluit. etenim naturalis ratio, quæ à Deo immediate pendet, id æquitati consentaneum imò & planè debitum esse demonstrat. Itaque Alexandri III. Pontificis in Concilio Lateranensi egregium illud dictum habemus cap. Non minus. *de immunitate Ecclesiæ. Aequum non est Dei Ecclesiæ. sub Christianis Principibus, minus quam sub Pharaone liberà esse.* Sed quæso videamus, quomodo id quod proposuit, confirmet Anonymus, qui ad eò confidenter ait eòrum opinionem, qui putant excipi Ecclesiasticos eorumque bona iure tantùm humano à Principis Secularis potestate, magis cum sacris Scripturis, Sanctis Doctoribus, historiisque conuenire.

### Anonymus.

**N**am præter ea, quæ prima propositione diximus, Sacerdotes nimirum veteris legis Principi seculari subditas fuisse: præterquam quòd etiam Salomon Abiathar summò Hebræorum sacerdotio exiit, vt lib. 3. Regum cap. 2. narratur: toto primitiue Ecclesiæ tempore usque ad Iustinianum Imperatorem, nullum in iure legitur priuilegium, quo Ecclesiastici secularium potestate liberentur.

### Responsio.

**N**on est, quod ea, quæ prima propositione confutauimus, hic denudò inculcemus. ostendimus enim in veteri lege Sacerdotes ac Leuitas Ecclesiastico, non Seculari Principi paruissè. Et quoniam Anonymus Moysen Politicum Principem appellauerat, cùm scripturarum testimonijs tùm Sanctorum Patrum auctoritate eum summum Sacerdotem fuisse docuimus; ad id quod de Salomone obijcit, responderi potest, Salomonem, vt Dei voluntatis ministrum, qui iam ante prædixerat se Heli posteritati finem impositurum, id patrasse. atque ea de causa subdit Scriptura, *vt impleretur sermo Domini, quem locutus est super domum Heli in Silo.* Præterea quis vnquam Principis vnus factio vim inesse legis contendit? Quod verò ait ante Iustiniani tempora nullum in Ecclesia extitisse priuilegium, quo Clerici à Laicis liberarentur, magis est falsum, quàm vt confutationem postulet. nam Constantinus, qui ducentis atque amplius annis ante Iustinianum vixit, primusque ex Imperatoribus fuit, qui palam se Christianum proficeretur, continuò Ecclesiasticos à communibus Reipublicæ oneribus solutos pronunciauit: vt habemus in eiusdem Constantini epistola ad Auilinum, quam refert Eusebius lib. 10. Ecclesiasticæ historiæ cap. 7. & præter hoc Constantini priuilegium multa

extant in Cod. Theodosiano eorum Imperatorum, qui Iustinianum præcesserint, ut tuus refert Couarruias cap. 31, practicarum quæst. quas pro tua sententia protulisti.

### Anonymus.

**S**anctus Paulus ait: Ad tribunal Cæsaris sto, Cæsarem appello; Satque ut innumerabilia exempla omittam in vita Othonis primi Christianissimi Imperatoris habemus depositum ab eo auctoritate propria Ioannem XII. Pontificem, quod vir esset nefarius.

### Responsio.

**H**ic argumento, quod olim à quibusdam hæreticis obiectum, Hæst, optimè respondit Card. Turrecremata lib. 2. summæ cap. 96. Sanctum Paulum ad Cæsarem prouocare coactum, eumq. Iudicem agnoscere de facto, non de iure: ea enim tempestate neque satis nota neque credita S. Petri potestas erat, atque ita si Paulus dixisset nulli se Iudicem agnoscere, nisi Christi Vicarium; & Iudæorum risum prouocasset à quibus accusabatur, & Ethnicorum à quibus iudicabatur. quam ob causam ipse ait: *Coactus sum appellare Cæsarem.* Paucis autem ijs verbis quibus Othonis Imperatoris, & Ioannis Papæ historiam complectitur, duo mendacia duosq. errores interserit. Nam primum quidem illa duo, *auctoritate propria*, falsissima sunt, & de facto, & de iure: De facto quidem, nam cum Otho non ignoraret se Laicum Ecclesiastici hominis iudicium exercere non posse; à Concilio, quod Romæ coactum erat, petijt, ut quid esset agendum statueret: *Sancta Synodus quid decernat edicat*: ita enim ipse locutus est: non igitur Otho summum Pont. deposuit *auctoritate propria* sed auctoritate Concilij. De iure verò, quia apud nullum Catholicum. Scriptorem reperire licet Pontificem ab Imperatore posse deponi. Imperator quidem à Pontifice potest, ut ab Innocentio III. Otho IV. ab Innocentio IV. Federicus II. & multò ante à Gregorio VII. Henricus IV. depositi fuere. Itaque auctor hac in re consentientem habet neminem, nisi veteres recentioresq. hæreticos, præsertim verò Marsilium Patavinum, ut testatur Cardin. Turrecremata lib. 4. Summæ parte 2. cap. 37. Sed ne à Concilio quidem iudicari potest Pontifex, nisi de hæresi postuletur: ut omnes Catholici auctores affirmant. Atque hic secundus est error Anonymi. non enim Ioannes XII. hæreticæ prauitatis, sed nequitie insimulatus est: ac proinde illud subire iudicium non poterat, & Concilium à quo ipse est depositus, ratum Concilium nequaquam fuit: sed schismaticum Conciliabulum atque acephalum, eaque de causa paulò post abrogatum atque abolitum. Legat qui id scire diligenter velit decimum tomum Cardinalis Baronij, seu si breuius cupit, additionem Onuphrij ad Platinam.

Anony-

## Anonymus.

**Q**uod si exceptio est de iure diuino; cur Hadrianus I. Pontifex vult penes Carolum Magnum auctoritatem esse Romani eligendi Pontificis, ut habetur cap. Hadrianus. quod etiam fecit Leo VIII, ut Othoni I. gratificaretur, ut legitur eadem dist. qua est 63. Canone In Synodo.

## Responsio.

**N**on possum non mirari vehementer huius argumēti subtilitatē. Quid ad Ecclesiasticorum exceptionem personæ ad Pontificatū nominatio? Hodie igitur Hispani Ecclesiastici non excipiuntur, quod Rex vacuarum Ecclesiarum Episcopos nominet? vbi cumque igitur est Ius patronatus, quia Patroni qui fere sunt Laici ius habent nominandi, ideo ne amissa est planè exceptio? Accepit ex Pontificis priuilegio Carolus Imperator, & aliquandiu retinuit, ut vacante Sede, aliquem ad Pontificatum nominare posset; non tamen ideo Pontifici Imperator aliquid tribuebat auctoritatis, nec illam eidem vel eripere vel imminuere poterat; cum ut supradictum est, personæ quam quis iure proposuit, aut alia ratione Canonice elegit, ipsemet Deus Pontificalem potestatem impertiat; cuius ratione, iure diuino, superior, caput, pastorque omnium Christianorum seu priuatorum seu Principum efficitur. Idem dici posset de priuilegio, quod Leo Pontifex Othoni Imperatori concessit; nisi illud vanum, atque irritum, fuisset. Idque respondemus, etiam si concedamus verum esse, quod scribit Gratianus in allatis Canonibus Hadrianus, & in Synodo. Sed Illustrissimus noster idemque doctissimus Cardinalis Baronius Analiū tomo 9. pag. 323. Gratiani lapsum apertissimè ostendit docetq. nunquam Imperatori summi eligendi Pontificis priuilegium fuisse concessum. atque ita ruic Aduersarij argumentum, quod & male concludat, & falso nitatur antecedenti.

## Anonymus.

**D**octrina hac non solum est Diui Pauli ut prima propositione ostendi, sed etiam sancti Ioannis Chrysostomi, S. Thome Aquinatis, Soti præstantissimi Theologi dist. 25. 4. sententiarum. Couarruias cap. 31. practicarum quest. Qui pro sua sententia assert Innocentium III. Pontificem, Alciatum, Ferrariensem, Medinam, & alias. Porro duo hi Doctores, id est Sotus & Couarruias magni hac in re sunt faciendi: cum uterque post Tridentinum Concilium scripserit.

## Responsio.

**S**anctus Paulus & S. Ioannes Chrysostomus non loquuntur de exceptione Ecclesiasticorum, sed tantum docent parendum esse

ab omnibus suo superiori, ut iam à nobis ostensum est. Sanctus Thomas non negat exceptionem esse de iure diuino; sed affirmat esse de iure humano; fieri enim potest ut sit, immo & est, pariter de iure humano atque diuino, ut sacri dicunt Canones. Sotus quanquam negat exceptionem proprie de iure esse diuino, dicit tamen rationi naturali valde consentaneam, negatque Principem vllum aut etiam omnes, si vna coeant, illi quicquam detrahere posse. Quare aperte id quod docet Sotus, Venetorum facta reprehendit, qui tot modis ecclesiasticorum immunitatem violare non dubitant: perinde quasi in eorum esset potestate eam ad libitum & abolere & restituere. Nec verum est post Tridentinum Concilium Sotum scripsisse, nam quanquam primis sessionibus interfuit, quæ sub Paulo III. celebratae sunt, obiit tamen prius quam absolueretur Concilium; atque ita vltimum illud decretum quo immunitatem ecclesiasticam atque ecclesiasticarum personarum diuina ordinatione inductam fuisse declaratur, non vidit; si enim vidisset, nulla profecto ratione contra opinari ausus esset. Couarruias nimis semper Regiæ potestati fauere visus est, sed tamen, ipse quoque docet potuisse iure ecclesiasticos à summo Pontifice excipi, ne seculari potestati subijcerentur, nullumque quanuis summum Principem istiusmodi immunitatem abrogare posse. Ex quo etiam patet ab ipsomet Couarruia Venetorum facta damnari. Quare author non satis intelligit, quid sibi velit, cum ait duos hosce scriptores maximi faciendos. Postremo tacendum non est, id quod ait Anonymus à Couarruia pro ea sententia proferri Innocentij III. testimonium: nam hoc loco duo notanda sunt errata, auctoris alterum, alterum Couarruiæ. Errat auctor: quia Couarruias nunquam ad se tuendum Innocentium III. attulit, quem sibi aduersari intelligebat. Errat Couarruias; quia Innocentium IV. in suam sententiam citat Commentario in caput secundum de maiorit. & obed. Nam Innocentius IV. ibidem ait Exceptionem quæ à summo Pontifice, consentiente Imperatore, profecta est, minime plenam esse; ac proinde fatendum à Deo ipso Ecclesiasticos Principum sæcularium potestati subtrahi. Qui poterat Innocentius IV. clarius dicere exceptionem de iure esse diuinam? & tamen Couarruias dicere audet negari ab Innocentio IV. esse de iure diuino. Quare Panormitanus in cap. Nimis de iureiurando refert Innocentium IV. existimare exceptionem ecclesiasticorum esse de iure diuino. En quot mendacijs, quotque erratis pauca Anonymi verba sunt referta, qui Sotum & Couarruiam citasse non contentus, illorum etiam argumenta subdit his verbis.

### Anonymus.

**A** Tque efficacissime id ab ijs probatur, nam præter affirmatiuam Sancti Pauli, Sancti Ioannis Crisostomi, & Sancti Thomæ auctoritatem



tem, præter primitivam Ecclesiæ consuetudinem, duo afferunt negativæ argumenta validissima, hoc est, si Clerici, & bona ecclesiastica iure divino excipiantur, ubinam habetur istud ius? quo in Evangelio? quo in Apostolica Epistola? quo in libro novi seu veteris testamenti? Alium est, neminem secularem Principem Christianum, qui publicam quietem, optimamque Respublicam administrationem spolet, hac removeri: quominus quæ exceptionibus frui sinat Ecclesiasticis, quibus ipse valit, usque quibus non sit exuat. & quanquam nonnulli Canonem ut legem humanam accipiunt, tamen ut ex ijs, quæ prima propositione docuimus, elicitur, intelligi debet Principis privilegium, & consuetudo, quam Princeps dissimulavit, aut receptus Canon, qui supra ius divinum non est. Cum ergo secularis Princeps potestatem habeat in omnes sibi subditos iure divino, non video quomodo illi hæc potestas vel minui, vel eripi à Canone possit, qui ius est humanum communi iuris peritorum axioma: quocirca concurrant duo iura, minus debet cedere maiori. Igitur ad hæc

### Responsio.

**A**ffirmativis rationibus iam supra responsum est: neque erat quoddam ad volumen augendum id toties inculcarer Auctor sine causa. Primæ rationi negativæ responderetur, hæc sententia plurimis Catholicis auctoribus tum Theologis, tum Canonistis fusc ac diligenter pertractatam, in quorum libris sententiæ ipsorum fundamenta querenda sunt, & nos breviter supra quædam novi ac veteris testamenti loca significavimus, ut Genes. cap. 47. libri primi Esdræ cap. 7. & Matt. 17. ergo liberi sunt filij, ubi filiorum nomine intelliguntur Ecclesiastici iuxta ea, quæ sanctus Hieronymus, & sanctus Augustinus docent: neque solum ius divinum est illud, quod sacris literis continetur, sed naturale etiam lumen seu ratio & naturæ lex. atque ita Ioannes Driedo lib. 1. de libertate Christiana cap. 9. ait exceptionem Ecclesiasticorum esse de iure divino: cum eam & ratio & naturale lumen doceat: siquidem quisque per se naturaliter intelligit homines ac bona Deo dicata in illius esse potestate; nec æquum videri, ut Principes seculares vllum in ea ius obtineant. Quoddam hæc sit naturæ inductio; aperte ex eo patet quod in omnibus sectis tum veris tum falsis huius exceptionis lex sancta semper, sanctæque custodita est. Ita legimus in libro Exodi cap. 30. & Numerorum cap. 1. apud Hæbreos leuitas à tributis exemptos, in lib. Genesis cap. 47. Aegyptiorum Sacerdotes; & apud Aristotelem lib. 2. Oeconomicæ Græcorum Sacerdotes. Idem de alijs Ethnicis habetur apud Cæsarem lib. 6. de bello Gallico, apud Plutarchum in vita Camilli, & apud alios complures, qui brevitatis gratia omittuntur. Secundo itidem argumento negativum respondemus neque apud Sotum, neque apud Covarruviam haberi: sed illud ex suo extrudit ingenio Anonymus. neque argumentum est, sed criminatio, sed ca-

lumnia aduersus omnes Principes, quos impij Machiaveli Sectato-  
res facit, qui vtilitate tantum proposita, modo exceptionem cleri-  
cis tribuant modo adimant, suo arbitrato. Nos verò non ignoramus  
in Dei Ecclesia plurimos viuere Principes religiosos ac pios, qui que  
Deum vt par est, vereantur. Sed esto, non permittant (quod falsum  
est) multi Principes in suis regionibus exceptionem clericorum,  
nisi quantum vtilitatis ratio postulat, quod tamen arguementi genus  
hoc esset? Multi Principes exceptionem non permittunt; non est  
igitur de iure diuino? Quod idem valet, ac si quis diceret: plurimi  
ex Christianis furantur, adulteri sunt, falsa testantur, non igitur erūt  
de iure diuino præcepta. *Non furaberis, non machaberis, non falsum  
testimonium dices.* Ostendendum prius erat eos principes, qui non  
nisi ad arbitrium suum exceptionem permittunt, nihil delinquere,  
aut iure agere; ac tum concludi poterat eam de iure diuino non  
esse: sed ex simplici facto, seu (vt melius loquar) ex simplici legis  
alicuius violatione colligi nequaquam potest eam legem de iure di-  
uino non esse. Quæ autem de iure humano disputat, num ius sit Ca-  
nonicum seu Principum priuilegium, aut consuetudo, vanissima sunt.  
nam Ecclesiasticorum exceptio non solū de iure est diuino, sed etiam  
humano omnibus quidem modis: nam & eam multi constituunt Ca-  
nones, multæ ciuiles leges, atque antiquissima consuetudo: neque  
hoc nisi qui nihil planè legerit, quisquam (vt arbitror) negauerit.  
Quod vltimo loco concludit sæculari Principi neque eripi neque  
minui potestatem in Ecclesiasticos quod in Canone posse, cum  
Canon ius sit humanum, potestas in Principe de iure diuino: fal-  
sum omnino est, atque ex falso principio ortum habet, omnibusque  
Catholicis Doctoribus tum Theologis tum Canonistis repugnans.  
falsum quidem esse, planum est; nam plurimis Conciliorum ac sum-  
morum Pontificum decretis, legibus ipsis imperialibus, naturali lu-  
mini, vt supra monstrauius, aduersatur: ex falso etiam princi-  
pio ortum habere in primæ propositionis responsione ostendimus;  
vbi declaratum est Principum potestatem in Laicos non esse de iure  
diuino, ac proinde multo minus in Clericos. Aduersari demum  
omnibus Catholicis Doctoribus tum Theologis tum Canonistis pa-  
tet: nam Sotus, & Couarruias qui principes sunt inter eos, qui  
Ecclesiasticorum exceptionem de iure diuino esse negant, scribunt  
à Summo Pontifice excipi potuisse Ecclesiasticos, omnesque Prin-  
cipes non posse hanc exceptionem non accipere, eorumque nemi-  
nem, neque adeo omnes simul eam vel abolere posse, vel imminue-  
re. idque illis ipsis locis aiunt, quæ attulit Anonymus. Ex quo fit  
vt Veneti ab eo nouam doctrinam, erroneam, pessimi exempli, schi-  
smaticam, & seditiosam hauserint; quod si nouam esse perneget, nul-  
los habebit socios nisi Hæreticos, & schismaticos, præsertim verò  
fratrem Petrum Martyrem Lutheranū, qui in Epistolam ad Roman.  
cap. 13. eadem plane assert, quæ hoc loco Anonymus noster inseruit.



## Sexta Anonymi propositio.

**D**um Venetorum Princeps legitimus & naturalis sui domini Dominus, qui neminem in temporalibus præter Deum superiorem unquam agnouit, leges de Ecclesiasticis bonis fert, quæ suo subiacent dominio, atque Ecclesiasticas personas in grauibus atque atrocibus casibus punit, & de bonis quæ nondum iuxta Ecclesiasticorum potestatem venerant, disponit ea auctoritate, quam à Deo immediate habet, quæque nunquam se exuit, aut ob concessum priuilegium, aut ob receptum Canonem, imò cuius possessionem ab inmemorabili multorum sæculorum non modo annorum consuetudine tuetur, non peccat. & ratio huius rei est, quod qui non facit contra legem aliquam, non peccat; multo minus dicendum cum peccare qui legem obseruat.

## Responsio.

**T**andem aliquando post multas ambages huc peruenit Anonymus, ubi ipsum iam diu opperior; quidque demum tanta verborum circuitione sibi vellet, aperuit. Sed quoniam loqui non didicit sine cuiusque generis erroribus; ita Venetorum Principem describit, dum eum naturalem sui domini Principem appellat; ac si absolutus alicuius Regni Monarcha esset. Nam si Rempublicam ipsam Venetorum diceret ea potestate gaudere, quæ potiuntur Principes absoluti, & qui superiorem in temporalibus non agnoscunt; verè & proprie loqueretur: sed quod Principem Venetorum, quo nomine Ducem, qui Reip. præest, tum scriptores, tum populi ipsi Veneti subiecti passim vocant, naturalem Dominum appellat, plane intolerabile est. Nam si ita se res habet; actum est de Venetorum libertate, neque iure quis, nisi solo nomine, Rempublicam dixerit eam, quæ & dominum, & naturalem Dominum habet. Dominus est, si nescis, qui res suas suo arbitratu administrare potest, easque si velit, donare alteri, vendere, oppignerari, commutare cum alijs. ille præterea naturalis est Dominus, qui hæreditate, successione, natalibus, non electione aut donatione dominatum nanciscitur. Vtrum in Venetorum Ducem id cadat, vt naturalis sit Venetorum Imperij Dominus; eorum iudicio libenter permitto, qui illius Reipublicæ instituta nouerunt. Addit præterea Anonymus neminem à Venetorum Principe superiorem in temporalibus agnosci, præter Deum; quod quid est aliud nisi eum absolutum constituere Principem, nihilo secius quam Regem, cui Respublica omnem suam potestatem demandat. Sed si re, non solo nomine Respublica est, & libertatem, vt putat, integram tuetur; profecto vniuersam suam potestatem in Principe non collocauit, sed id tantum cum illo communicatum voluit, quod è re visum est: potestque eius auctoritatem, tū augere tum minuire, abrogare etiam, eundemque capite mulctare, ubi dominatio-

nem occupare velit, vt olim de Marino Falerio factum accepimus. atque ex eo fit, vt Dux non Deum tantum in temporalibus agnoscere debeat superiorem, sed suam etiam Rempublicam, seu magnum, (vt ipsi appellant) Consilium. Sed hæc mendacia omittamus, quæ si Venetis ipsis cordi non sunt, multo minus alienis esse debent. Ad nodum ipsum controuersie accedamus. Negat Anonymus Venetorum Ducem peccasse cum leges aduersus Ecclesiam tulit, cumque Ecclesiasticos in carcerem coniecit. Quas ob res & à Summo Pontifice est reprehensus, & ubi obtemperare noluit, excommunicatus. Quod quidem non peccauerit, tribus rationibus probat. Prima est quod à Deo immediate in ecclesiasticos eorumque bona potestatem accepit. Secunda, quia hac potestate se nunquam exiit, vel ob concessa priuilegia, vel ob receptos Canones. Tertia quia hoc ius possidet à tempore immemorabili. Perpendamus quæso huiusmodi rationes. Prima falsa est, nõ ob ea tantum, quæ in primæ propositionis confutatione allata sunt, propter ea quæ ipse auctor hoc loco subiicit, & propter planissimum experimentum: nam hoc loco ait potestatem esse penes Ducem Ecclesiasticos in casibus grauibz & atrocibus puniendi: quod signum est potestatem hanc immediate non esse à Deo, sed ab aliquo qui eam illi limitatam concesserit: nam si iure diuino immediate Dux potestatem obtineret in ecclesiasticos; in omnibus utiq. casibus obtineret, nõ minus in grauibz quàm in leuibz. similiter ait Ducem de bonis quæ nondum in ecclesiasticorum potestate venerint, disponere posse; Quid (oro) sibi vult hæc limitatio, nisi eum absoluta in bona ecclesiastica potestate carere, atq. ita illam immediate à Deo non acceptam? Nam si res secus se haberet, nemo illam arctare potuisset, sicut neque potest Pontificis, in quem à Deo immediate deriuata est. Ad hæc, quæro, vtrum Respublica Ducis auctoritatem augere, vel minuere possit; verum eum, ubi leges violauerit, magistratu priuare, potest sane. neque enim aliter libera esset. Dux igitur à Deo immediate potestatem non habet, sed à Republica: atq. ita Ducis potestas humana est & limitata, quæ maiori potestati humanæ icidem subiacet. Secunda ratio etiam falsa est: nam si Dux aut Princeps sua se potestate, quod Ecclesiasticis personis priuilegia concesserit, non exiit; id eo verum est, quod nemo exuere se potest quin indutus sit. At Venetorum Princeps nunquam hac potestate, vt ita loquar, fuit indutus, cum Veneta Respublica tunc orta sit, quando Ecclesiastici à potestate laica iam excipiebantur. quamquam, & illud dici potest, cum Laicus in Ecclesiasticum ordinem tranſit, tum Principem ea potestate spoliari, qua in illo prædictus erat, ex diuino priuilegio, quod Ecclesiasticis concessum est, multisq. Canonibus ea ratione toto Christiano orbe receptis; vt neque ullus Princeps seorsim, neque omnes simul eos abrogare queant, vt paulò ante ex Soto, & Couarruuia, quos in suam sententiam attulerat Aduersarius, aperte demonstrauimus. Et quamuis alium Canonem nullum proferre possemus, instar omnium ille esse posset notissimus,

tissimus, *Si quis suadente*. 13. q. 4. quo ij excommunicantur omnes qui vel in Clericos, vel in Monachos violentas manus iniecerint & eiusque excommunicationis absolutio Apostolicæ Sedi, sine vlla Principum Secularium exceptione reservatur. Atque hic quidem canon non modo nunquam est antiquatus, sed cum Martinus V. in Constantinensi Concilio excommunicationum acerbiter temperare vellet, cumque decreuisset licere cum excommunicatis consuetudinem habere, eos tamen excepit qui & nominatim excommunicati declarantur, & qui violentas in Ecclesiasticos manus inferunt: hos enim sine vlla declaratione vitandos ita voluit, vt concessio alijs excommunicatis beneficio frui minime possent. Tertia ratio, quæ à possessione ducitur temporis immemorabilis, ipsismet Venetorum verbis redarguitur. non enim alia de causa anno 1605. legem seu (vt ipsi loquuntur) partem, ne quis stabilia bona Ecclesijs donare posset, iampridem anno 1536. latam renouarunt, nisi quod ad hoc usque tempus seruata nunquam est, vt ipsi fateantur. Præterea aduersus veritatem aduersus caritatem, aduersus iustitiam, quænam possessio, vel consuetudo valere tantum potest, vt per se ipsa non corruat? Igitur absurdum nimis atque impudens illius est mendacium, qui neget in his condendis legibus, conijciendisque in carcerem Ecclesiasticis, nihil Venetorum Ducem deliquisse, sed qui hodie videat siue grauissima audiat facinora, quæ ab eo Duce perpetrantur, dum Sacerdotibus, ac Religiosis vincula iniicit, dum Ecclesiasticos Apostolicum violare interdictum compellit, dum monasteria militibus complet, dum denique Ecclesias, Religionisque, vt olim iridem Valens Imperator Arianus, post etiam Hunericus Vandalorum Rex Arianus, hostili animo persequitur, quomodo, nisi cupiditate excecatus plane sit, atque (vt ait Apostolus) *in reprobum datus sensum* ab immanissimo illi scelere vindicare audeat? Præterea quæ sequuntur Anonymi verba, hoc est *non peccare qui contra legem non facit neque eum qui legem obseruat, ac Sancti Pauli doctrinam sequitur*, notiora enim sunt quam vt à me explicari debeant, & inter puerilia potius, quam inter theologica numerantur: Verum quod postremo centuria seueritate in eos animaduertit, qui ecclesiasticorum exceptionem de iure esse diuino contendunt, dum eos modo inanes, modo impudentes, modo audaces, modo assentatores appellat, non in homines conuicia iactat, sed blasphemiam in Spiritum sanctum. Cum enim disertissima ea sit generalium Conciliorum Lateranensis & Tridentini sententia, cumque verè sacra dicant Concilia præsertim generalia, se in Spiritu sancto congregata, possintque iure illud vnâ cum primo Hierosolymitano vsurpare, *visum est Spiritui sancto & nobis*, relinquitur Spiritum sanctum, nisi aduersarius in tam improba animaduersione mentiatur. modo inane esse, modo impudentem, modo audacem, modo assentatorem.

## Septima Anonymi propositio.

**D** Vm Serenissimus Princeps cum Senatu nulla obstringitur culpa, nec peccato in his faciendis quæ præcedenti propositione dicta sunt, si à summo Pontifice Paulo V. in literis Apostolicis censurarum ab eo promulgatis excommunicatur, si sacra loca interdicto subijciuntur, nulla est eius sententia non solum de iure positivo, cum præscripta à Canonibus de sententia excommunicationis in sexto seruata non fuerint, ut ex edicto quod palam hac de re prodijt, apertum est; sed etiã de iure diuino: nam excommunicandi auctoritas condicionata est, si peccauerit in te frater tuus. Itaque ubi peccatum non est, excommunicatio locum non habet, & sententia contra eum lata, qui non peccauerit, irrita est ex defectu materia. Neque ullus fit adeo hebes, qui putet serenissimũ Principem cum Senatu, etiam si, ut offensum est, non peccauerit, nec peccet dum retinet quod suũ est, peccare tamen dum Pontifici obtemperare non vult, dumque in sua opinione persistit. Nam constantia in bona opinione, animi obstinatio non est, quiq; minimè peccauit, nec inobediens, nec obstinatus dici debet. qui enim legem seruat, sanctissime operatur, & meritorie; & qui in his non obtemperat rebus, quas quis imperare non potest, nulla ratione delinquit.

## Responsio.

**D** Vo affirmat Aduersarius hac propositione. Primum quidem excommunicationis, atque interdicti sententiam à Domino Nostro Paulo Papa V. latam, nullam esse de iure positivo. deinde nullam esse de iure diuino. In utroque apertissime errat.

Ait enim primum sententiam illam nullam esse de iure positivo, eo quod quæ à Canone de sententia excommunicationis in 6. præcipiuntur, seruata non sint. quod aperte falsum est. Nam in titulo de sententia excommunicationis in 6. tres tantum habentur canones, qui iudicarium ordinem statuunt, cap. *quidem*. i. decernitur, ut sententia scripto mandetur. cap. *solet*, constituitur, ut nemo postquam ad superiorem prouocauerit, excommunicetur. cap. *statuimus*, præscribitur, ut nemo, nisi prius ter canonice admonitus, excommunicetur. Et quamuis non quodcumque ex his fuerit ommissum, irritam efficere possit sententiam; hac tamen excusatione non indigemus: nam & Sanctissimus D. N. Paulus sententiam scriptis mandauit: & ter canonice monuit, octo dierum spatio inter singulas admonitiones interposito: nec quisquam alium appellauit, aut appellare potuit, cum Pontifex Summus sit iudex. Omnia igitur diligentissime, quæ sacri præscribunt canones, in ordine iudiciario de sententia excommunicationis in 6. obseruata sunt. Aduersarij erat canonem proferre, illudque ostendere, quod minus esset seruatum. Sed quia neque id poterat,

poterat, & rudes, atque incios decipere satis illi erat, rem vniuersalibus verbis transegit. Subdit mox sententiam Domini Nostri nullam esse de iure diuino ex defectu materiæ, & cum excommunicatio poena sit, quæ sine culpa infligi non potest; nequaquam excommunicari potuisse Venetorum Magistratus, qui non peccassent. Huic obiecto iam responsum est, ostensumque Magistratum grauissimo scelere obnoxium fuisse, tum quod iniquas leges contra Ecclesiam tulerit, & in custodiam ecclesiasticos coniecerit, tum etiam, quod Summo Pontifici non paruerit, & quod res perperam constitutas corrigere detrectauerit. Si verò vocetur in controuersiam, num Magistratus peccauerit; Magistratus profecto ipsius hoc iudicium non est, sed Pontificis, qui Christi loco summi Iudicis personam sustinet. Neque hoc ab aduersario negari potest, qui propositione quarta asseruit potestatem Pontificis esse *super peccato*. Si igitur Pontifex iudex est *super peccato*; illius etiam est iudicare, num aliquid sit peccatum necne: vt mystice ad ipsum significandum in veteri testamento sacerdotis erat discernere inter lepram & lepram. Cum igitur summus sacerdos iudicium tulerit Venetorum Senatui & ipsum Ducem grauiter peccasse, spiritualique lepra pestifera, contagiosaque coopertum, cumque eum hac de causa, excommunicationis sententia, ab aliorum fidelium consuetudine, & conuictu segregauerit, qui eius factum, vel defendi, vel excusari potest? Cum autem ait constantiam in optima opinione obfirmati animi vitium non esse; verum quidem censi potest, dum adhuc res est in controuersia; sed illa iam ab eo dijudicata, cui omnes fidem habere necessario debent; si quis contrariam partem tueatur, non iam opinatur, sed errat, & constantia in obfirmati animi vitium degenerat.

### Octaua Anonymi propositio.

**V**erum quidem est, quod ait Sanctus Gregorius Papa. Pastoris sententia, iusta siue iniusta timenda est, sed nihil ad rem nostram. Multum enim interest, inter iudicis Ecclesiastici sententiam iniustam, & nullam, vt doctissime testantur Nauarrus de censuris Ecclesia cap. 27. & Sotus 4. sententiarum distinctione 21. quibus locis aiunt iniustam timendam, & ei, qua sit nulla, minime parendum. Itaque cum censura à Summo Pontifice Paulo V. promulgata nulla sint, vt ostensum est; sunt enim tanquam aliquid aqua, aut aere inscriptum, hoc est sine ulla materia & substrato; in ea sum sententia, vt putem à te non esse obseruandas, nihilque ea de causa in tua Ecclesia innouandum.

### Responsio.

**V**T aduersarius falsis iactis fundamentis concludit summi Pontificis sen etiam quod irrita, ac nulla sit, minime pertimescenda eaque



eaque de causa debere Sacerdotes tum Venetijs, tum in reliquo Venetorum Imperio diuina celebrare officia ac si nullum extaret interdictum; ita cum ego adhuc falsa eius principia, vanaque fundamenta subruerim, atque ostenderim sententiam Domini nostri Papæ Pauli V. validam, & iustam, adeoque firmam, ac si ære, vel marmore incisæ esset; illud tuto concludere possumus, & pertimescendam, & obseruandam, sacerdotibusque tum Venetijs, tum in reliquo Venetorum Dominio interdictam summa diligentia custodiendum, nisi, & diuinam Maiestatem offendere, & animas tum suas, tum populorum perdere velint. Atque hæc, octo propositionibus responsa sint. Sed quoniam aduersarius in fine disputationis inter multa, quæ ad rem non faciunt, multa permiscet errata; breuissimè illa singillatim detegere hic nostrum erit.

Ait igitur primum. *Iuxta ea, quæ docet Nauarrus, excommunicationis sententiam, cum irrita est, timendum, atque eo usque illi obtemperandum; dum populus vanitatis illius nullitatis edoceatur, idque ad vitandam scandalum: adiicit Veneto populo optimè persuasisse Ducis edictum Pontificis excommunicationem nullam esse.* Hoc quid aliud est, quam dicere, si iudex suam sententiam iustam esse affirmet, & validam reus contra neget; reo tunc, non Iudici credendum: Dictum profecto tanto Theologo dignissimum. Nam quæ vnquam erit iusta sententia, & valida, si reo habenda sit fides?

Ait secundo *excusare se non posse quosdam religiosos viros, qui Venetijs excedere maluerunt, quam diuina officia celebrare, eaque in re multis scandalo fuisse.* Non indigent hi religiosi viri excusatione, quod si nonnullis, ipsorum erga Summum Pontificem obedientia scandalo fuit; illud est respondendum, quod Christus de Phariseis dixit, *Sinite illos, caci sunt, & duces cecorum.* Matth. 15.

Tertio ait, *quod quis libertatem naturalis sui Principis tueatur, esse de iure diuino, Ecclesiasticas vero sententias de iure humano, quod diuino profecto cedere debet.* Versatissimus, ni fallor noster hic doctor est in iure Diuino, qui illud tertio quoque verbo usurpet. hinc tantum præ se fert diuinitatis hoc eius argumentum. libertatem Principis tueri de iure est Diuino: sententiæ Ecclesiasticæ de iure sunt humano: humanum ius cedit Diuino: Debent igitur Sacerdotes Pontificis excommunicationes, atque interdictum contemnere, ut Veneti Ducis libertatem defendant. Nos vero ita respondemus. Si de iure est diuino terreni Principis libertatem tueri, multò magis de iure Diuino erit libertatem Ecclesiæ, quæ cælestis Principis sponsa est, iniolatam seruare. Illud adjicimus libertatem, quam hoc tempore sibi Venetorum Dux usurpat, nihil aliud esse, quam potestatem eos in vincula coniiciendi, quos sibi subditos non habet, legesque contra Iustitiam, atque pietatem condendi, ac proinde de iure diuino esse huiusmodi præposteram libertatem oppugnare, non defendere. Postremò etiam dicimus sententias Ecclesiasticas, quod ad potestatem

spectat



ſpectat, eſſe de iure diuino, quæq. Chriſti Euangelio nitatur. Matt. 18.

Quarto dicit falli nonnullos, qui putant hanc controuerſiam eſſe de fide, cum ſolum ſit de moribus. quod ſi aliquid in Sacris litteris reperiatur, quod rem hanc de fide conſtituat, opinionem eſſe ſereniſſima Reipublicæ, quam diſertis verbis docet S. Paulus. Reſpondeo præcipuam controuerſiã nõ eſſe de fide, eos tamen, qui Venetæ Reipublicæ defenſionẽ ſuſceperũt multos in ſuis ſcriptis errores inſeruiſſe, qui ad fidẽ perlinẽt. Et aduerſarius, qui adeo prudenter ſuo more ait Reipublicæ opinionẽ expreſſe à S. Paulo doceri, nõ animaduertit ea, quæ à S. Paulo traduntur expreſſe, opinionẽ nõ eſſe appellandas inde enim fieret, vt quis iure de ſancti Pauli doctrina dubitare poſſet: cum opinio incerta ſit, ac dubia: falſum igitur eſt Reipublicæ opinionem apud ſanctum Paulum vlla ratione reperiri: reperiuntur quidem illa in epiſt. ad Hebræos cap. 13. *Obedite præpoſitis veſtris, & ſubiaceſte eiſ, ipſi enim peruigilant, tanquam rationem pro animabus veſtris reddituri;* Et contra hanc doctrinam, quæ non opinio, ſed certiſſima eſt catholica fides, hodie peruerſe agunt Veneti à vobis non doctõribus, ſed ſeductoribus in fraudem illecti.

Ait quinto non debere Sacerdotes à ſuo capite, qui Princeps eſt ſeiangi. Quid aliud hæreticus ex proteſtantibus in Anglia effutire auderet? quis vnquã audiuit ſecularem Principẽ caput eſſe ſacerdotũ, & conſequẽter caput Eccleſiæ, niſi poſtquã Henricus octauus Angliæ Rex à Põtifce diſceſſit, ſeque Anglicanæ Eccleſiæ caput appellari præcepit? & tamẽ ait aduerſarius, hic de moribus, nõ de fide eſſe controuerſiã.

Sexto Eccleſiaſticos laudat, qui Venetjſ degunt, quod ad vitam pro Principe effundendam paratiſſimi ſint. Nouum iſtud eſt Sanctorum genus, qui pro Principe ſanguinem effundere velint, à quo ſacrilegia, committere Chriſtique Vicario non obtemperare coguntur. Adhuc in Diuino officio, in Sanctorum laudibus diximus. *Iſti ſunt triumphatores, qui continententes iuſſa Principum &c. meruerunt premia æterna,* ſi vlla nouis hiſce doctoribus habenda eſt fides; mutanda erunt in poſterum ita verba: *iſti ſunt triumphatores, qui contempſerunt Deum, vt ſeruarent iuſſa Principum.*

Septimo ait Venetos capitis pœnam Religioſis propoſuiſſe, qui clauſas Eccleſias haberẽt, quiſque Diuina officia non celebrarent, ne ob inanẽ metũ in Ciuitate, qua ſemper Catholica fuit, talẽque ſe, ſi vnquã antea, in præſentia profiteatur, Diuinus cultus refrigeſceret. Hiſ non ego reſpondebo, ſed Spiritus Sanctus per Samuelem primo regum c. 15. *Nunquid vult Dominus holocauſta, & victimas, & non potius, vt obediatur voci Domini? Melior eſt enim obedientia, quam victima, & auſcultare magis, quam offerre adipem arietum: quoniam quaſi peccatum hariolandi eſt repugnare, & quaſi ſcelus Idololatriæ nolle acquieſcere.* Et ne putes hic Sermonem eſſe obedientiæ, quæ Deo præſtanda eſt, audi quid Dominus dicat apud Sanctum Lucam cap. 10. *Qui vos audit, me audit: qui vos ſpernit, me ſpernit.* Quare pro certo habeat Venetorum Reipublica

blica ea diuina officia, ac sacrificia Christo minime placere, quę contra Christi Vicarij præceptum offeruntur, neque placare Dei iram, sed vehementer inflammare, tum aduersus eos, qui illa offerunt, tum etiam aduersus eos, qui offerre compellunt.

*Octauo reducit in memoriam, ut legat quilibet, quę docet Nauarrus auctor grauiſſimus in cap. Nouit. de iudijs, notabili. 3. & in Manuali cap. 27. de censuris, affirmatque eum, in omnibus, quę hactenus dicta sunt, pro sua esse sententia. Postremo hortatur, ut ad subtersu- giendum periculum in tutissimum se portum quisque recipiat notabilis alius doctrine, Ecclesiasticos nimirum si aliqua exceptione fruuntur, ea non de iure Diuino, sed ex Principum sui priuilegio, qui ut ipsis videatur, priuilegium imminuere, amplificare, & antiquare possunt.*

Respondeo Nauarro per summam iniuriam imponi, quod tot, tantisque erroribus faueat, quot quātosque adhuc in aduersarij propositionibus deteximus. Et quoniam Nauarri libri typis mandati sunt, omniumque manibus teruntur, lectoribus huius rei iudicium libenter permitto. A Principibus verò sæcularibus priuilegia, aut imminui, aut aboleri posse, quibus ecclesiastici excipiuntur, adeo falsum est, ac nouum, ut quemadmodum supra docuimus, ab ipsomet Couarruua, qui vnus ex ijs est auctoribus, quos minus ecclesiasticorum exceptioni fauere demonstrauius, sigillatim confutetur.

Iam cū omnibus, ut arbitror, quę ab Anonymo obiecta sunt abunde satisfecerim; illud reliquum est, ut moneam, horterque, utque summo studio obsecrem nobilissimam eam Rempublicam, eiusque Serenissimum Principem, ut videat etiam atque etiam quibus doctoribus salutem suam committat. & ne longius abeam, Doctor hic, cui respondendum suscepi, ait Nauarrum sibi mirifice fauere. Accipio: legatur ille in summa cap. 25. numero 16. ibi peccatum esse ait Ecclesiasticos compellere ad interdictū non seruandum, vel illis præcipere ne seruent. & in c. nouit. de iudijs, notabili. 6. nu. 30. ait Clericos, & Monachos à potestate Sæcularium Principum excipi iure Diuino in causis criminalibus, ac spiritualibus, alijsque ad Clericatum adnexis. tum subdit, communem hanc esse Theologorum, & Canonistarum sententiam. Peccat igitur contra ius Diuinum iuxta ea, quę docet Nauarrus, is Princeps, qui clericos aut monachos in carcerem conijcit, quique in causis Criminalibus eos iudicare audet: Peccat itidem contra ius Diuinum, qui clericis, aut monachis præcipit, ut missas, diuinaque officia celebrent. Hęc enim negotia sunt spiritualia. Peccat tandem contra ius Diuinum, si quā Clerici, & Monachi exceptionem à Deo acceperunt, vel imminuere vel tollere contendat. Habetis igitur quam multa vos falsa docuerit hic Doctor, quamque callide vos, allata Nauarri auctoritate, deceperit. Idem reliqui faciunt Doctores, quorum adhuc libelli his de rebus prodierunt; qui nouis opinionibus mendacijsque referti sunt. Hortor præterea, obtestorque, ut illud quisque inducat in animum, filios à ne-

mine amari ardentius, quam à parentibus. quæ fuit causa cur S. Paulus diceret, *Si decem millia pædagogorum habeatis in Christo, sed non multos patres.* Mater vestra est Sancta Romana Ecclesia, pater Summus Pontifex, qui eius loco vos nutrit atque educat, dum ad perfectam ætatem perueniatis, cælique hæreditatem capessere possitis. Idcirco existimare debetis huic matri patrique multo magis vtilitatem vestram cordi esse, quam huiusmodi pædagogis, qui vos adhuc perperam docuerant. Postremo hortor quæsoque, vt Dei iudicia, quæ sæpe in hac etiam vita mortales premunt, paullo attentius perpendatis. In vita Sancti Stanislai Episcopi & Martyris habetur ob Boleslai Regis crimina à Gregorio VII. vniuersam Poloniam Ecclesiastico interdicto subiectam, excommunicatum Regem, Regiumque illi nomen ademptum. Et quia idem Rex nulla scelerum poenitentia adductus, obfirmato perstitit animo in sententia, punitus à Deo est: qui effecit, vt & sui eum contemnerent, & peregrini refugerent. Cùm verò hac calamitate perculsus ad sanitatem non rediret; continuo illi alterum poenæ genus infl:xit Deus. Nam bona Regni pars ab eo desciiuit, & inter populos, qui in Regis fide permanerant, seditiones, discordiæque grauissimæ sunt exortæ. Neque id satis fuit, vt meliora consilia amplecteretur. Quocirca vltimum Deus supplicium addidit: idque tale fuit, vt de mentis sede emotus per sylvas fugitiuus suis insequentibus canibus erraret, vtque tandem repenti mortuus ab illis ipsis deuoraretur. En qui finis illum excepit, qui excommunicationem, Christi que Vicarij interdictum contemnebat. & tamen is nunquam præcipere est ausus, vt interdictum violaretur. Eadem ferme ratione vitam clausit Ludouicus Bauarus Imperator, qui cum Ioannis XXII. Pontificis, & postea Benedicti XII. censuras contemneret, quo vehabatur equo in eum delapso oppressus extemplo animâ exhalauit, nulla à peccatis censurisque absolutione recepta, vt scribit Ioannes Villanus lib. 12. cap. 105. Idem est Deus hoc tempore, qui tunc erat, eadem, qua tunc, præditus omnipotentia.

Quare si illos tam grauiter corripuit, qui Ecclesiasticas censuras cùm spernerent, ad earum tamen contemptum populum non adigebant; neque insolitum esset, neque inauditum, si hac etiam tempestate aliqua illos poena afficeret, qui nō ipsi solum censuras nihili faciunt, sed etiam mortis intentato periculo reliquos ad idem patrandum compellunt. Obtemperemus igitur Spiritui sancto, qui ita nos apud Psalmistam hortatur. *Hodie si vocem eius audieritis, nolite obdurare corda vestra: & nolite tangere Christos meos: & nunc Reges intelligite, erudimini, qui iudicatis terram. apprehendite disciplinam; ne quando irascatur Dominus, & pereatis de via iustæ.*

RESPONSIO CARD. BELLARMINI  
ad libellum, qui inscribitur Io. Gersonis Tractatus. & Reso-  
lutio super validitate excommunicationum, ab eo-  
dem interprete latinitate donata.



Vam vere Christus dixerit Ioannis 3. qui male agit odit lucem; aperte ille demonstrat, qui conuersa à se in Italicum sermonem duo Ioannis Gersonis opuscula edidit. Nam cum intelligeret, quam multa falsa in breuissima præfatione, quam illis affixit, effudisset, quamq. non exigua in exiguis libellis, quorum ipse interpres fuit, laterent errata, quam demum ab eo, quod propositum est, quæcumque inibi traduntur aberrarent, pudori sibi duxit, tum suum, tum etiam impressoris nomen euulgare. Immo quo obscurior esset, Parisijs scribere se simulauit, cum luce clarius sit eum Venerijs & scripsisse, & quæ scripsit, mandasse typis. Ne igitur tam callida simulatione simplices lectorum animos irretire possit; ipsa præfationis verba ponderabimus, tum Ioannis Gersonis, quæ ille non ea, qua proferitur fide, conuertit. Ac prima quidem præfationis hæc sunt.

1 Cum hac in Ciuitate percrebuerit die Christi Domini nostri natiuitati sacro latus fuisse aduersus serenissimam, religiosissimamque veneratorum Rempublicam excommunicationes, ac censuras, quod alterius arbitrio acceptam à Deo libertatem, nolit subycere) Si omnia scrutemur libertatis genera, quibus vel priuatus quis, vel Respublica frui potest, sex omnino reperiemus: libertatem arbitrij, quæ necessitati naturali opposita est: libertatem christianam, quæ seruituti peccati aduersatur: libertatem ciuilem, quæ ciuilem seruitutem excludit: libertatem Reipublicæ, quæ Monarchiâ perimit: absoluti Principis libertatem, quæ in temporalibus rebus superiorem non agnoscit, maiorisque Principis dominatum non patitur; libertatem denique peccandi, quæ cum iustitiæ seruitute stare non potest, quamque eandem esse ait S. Paulus, atque seruitutem peccati. Cum serui essetis peccati, liberi fuistis instituti, ad Rom. 6. Nō loquitur, vt arbitror huius auctor præfationis de libertate arbitrij, quæ naturalis est, neque vlla amitti ratione potest, nisi iuxta lutheranorum, aliorumque eiusdem farinae hæreticorum dogmata. Neque de Christiana libertate sermo est, quæ peccati seruitutem excludit; hæc enim ex eo nō abiicitur, quod quis Christi Vicario obediat, sed potius quod illius detrectet imperium. libertas etiam ciuilis, qua serui carent, atque illa, quam Aristocraticæ, ac Democraticæ tuentur Respublicæ, quamque ij non habent populi, qui sub Regia potestate, ac Monarchia viuunt, ad rem minime facit. Nam nec summus hic Pontifex, nec ex prædecessoribus eius ali-

I quis Venetorum Reipublicæ formā immutare cōtentuit, cū nouerit  
 Christianæ Religionis, cuius ipse præcipuam curam gerit, nullā siue  
 Regiam, siue Optimatum, siue Popularem legitimę administrationis  
 formam repugnare, sed huiusmodi varietatem maximū etiam orna-  
 mentum Dei Ciuitati, hoc est vniuersali Ecclesiæ afferre. Restat abso-  
 luti Principis libertas, quæ in rebus temporalibus superiorē nō agno-  
 scit, ac de ea probabile est præfationis auctorem loquutum: Sed pro-  
 cul dubio mirifice decipitur, cū ait à D.N. aduersus Venet. Remp.  
 latas propterea excommunicationes, quod concessam sibi à Deo li-  
 bertatem alterius voluntati subiicere nolit. At si obiciat, cū leges  
 condere, noxiosque punire absoluti Principis proprium sit, iniuste  
 à D.N. Paulo V. excommunicari Venetæ Reipræsides, quod de tē-  
 poralibus rebus latas leges antiquare, quodque noxios coniectos in  
 carcerem liberare recusat. Respondetur, à Sum. Pontif. Paulo V. ex-  
 communicari Reip. Venetæ præsidēs non ea tantum de causa, quod  
 quascunque de temporalibus rebus leges, sed quod iniquas, atque im-  
 pias, nec sine maximo Ecclesiæ præiudicio, Deique ac proximi offen-  
 sione latas abrogare nolint. Nam quis, modo sit Catholicus, negare  
 audeat ad Pontif. vniuersalem pastorem pertinere; vt quemcunque  
 Principem, vel quamcunque Rempub. vbi ita res tulerit, reprehendat,  
 si quæ morē non gerat, ecclesiasticis censuris obtemperare cogat? Itz  
 à S. Greg. Papa obiurgatum Mauritiū Imper. accepimus, quod legē  
 diuino cultui aduersā edidisset. Et Innocētius 3. vt habemus in cap.  
 nouit de iudiciis Summi Pontificis esse declarat in peccata cuiusuis  
 totius terrarum orbis Principis censuram ferre. *Non intendimus (in-  
 quit) iudicare de feudo cuius ad ipsum Regem videlicet spectat iudiciū,  
 sed decernere de peccato, cuius ad nos pertinet sine dubitatione censura,  
 quam in quemlibet exorcere possumus, & debemus.* Et inferius. *Cū non  
 humanæ constitutioni, sed diuinæ potius innitatur, quia potestas nostra  
 non est ex homine, sed ex Deo; nullus, qui sit sanæ mentis ignorat, quin ad  
 officium nostrum spectet de quocunque peccato mortali corripere quemli-  
 bet Christianum: Et si correptionem contempserit, per distinctionem Eccle-  
 siasticam coercere.* Sed forsitan dicetur, quod aliter cum Regibus, & aliter  
 cum alijs est agendum. Ceterum scriptum legimus in lege diuina: ita ma-  
 gnum iudicabis, vt paruum, nec erit apud te acceptio personarum. Hactē-  
 nus sunt verba Innocentij. & Bonifacius Papa in extrauag. *Vnā san-  
 ctam* de maiestate, & obedientia optime ait tēporalē potestatē, sic  
 bi erret, à Spirituali dirigendā esse, nam quāuis Princeps temporalis  
 absolutus neminē temporalē Principē superiorē agnoscat; tamen si  
 Christianus est, Sum. Pontif. Christi Vicarium, Reipublicæ Chri-  
 stianæ caput agnoscat, necesse est: qui Pontif. quia spirituale ani-  
 marum bonum propositum habet, temporali Principium administra-  
 tioni minime ingerit sese, nisi sua illi potestate in suarum animarum  
 detrimentum, & populorum, atque Ecclesiæ præiudicium vtantur.  
 Si verò secus faciant, potest, ac debet suam ibi auctoritatem interpo-



nere, Principesque dirigere ubi opus sit. Qui verò id pro certo non habeat, Catholicæ est veritatis desertor. At si diceret his legibus nullum Ecclesiæ præiudiciū, nullumque peccatum contineri; responderem, iudiciū vtrum lex peccatum vel Ecclesiæ præiudiciū cōplēdatur, penes Summum Pontificem supremū iudicem esse: sicut vtrū ciuilis contractus vsuræ crimen habeat, Ecclesiastici iudicis videre est, ad quem peccatorum cognitio spectat. Pari ratione Sanctiss. Dominus Noster Paulus V. Venetam Rempubicam non eo nomine reprehendit, quod noxios sibi subditos puniat; sed quod in Ecclesiasticas personas, quæ nō nisi spiritali superiori subiiciuntur, manus iniicere non reformidet; & contra, quod Sacros canones, grauissimasque censuras, quæ illis continentur, aduersus eos, qui personis Deo dicatis manus inferunt, patui faciant. Qui igitur remota cupiditate rem totam intrōspicere voluerit, apertè deprehendet Pontifici id tantum cordi esse, vt Venetam Rempubicam ea solum libertate exuat, quæ peccatum fouet, quæque non à Deo, sed à Diabolo, hominumque nequitia ortū habet, eadēque est, (vt diximus) atque peccati seruitus veteræ Christianæ libertati contraria. Et vt tēporales Principes furandi, interficiendi, aliorūque huiusmodi scelerum libertatē in subditis nō patiuntur, quod publicæ quieti, optimæ que Reipub. administrationi detrimento sit; ita Summus Pontif. qui Christianorū est caput pati non debet, vt Christianis Principibus perniciosas Ecclesiæ, animarūque salutis leges condere liberū sit; atque vt sinere nō debet Pastor, vt oves quocumque casus tulerit, palantes ferantur, noxiasque depascantur herbas, & infectas aquas bibant, neque gubernator nauem ventis cōmittit, vt in Scopulos, & Syrtes abripiatur; ita Sūmus Pontifex Christi-ouium Pastor & Princeps, Sancti Petri nauiculæ gubernator eam Christianis libertatem concedere non debet, quam sibi tum aliis æternæ salutis aditum intercludant. Denique iure optimo Veneta Respublica conscientie libertatem nō probat, quam hodie hæretici omnes amplectuntur, quod satis intelligat huiusmodi libertatem in plurimos, grauissimosque errores deferri, atque idcirco Sanctæ Inquisitionis tribunal tuetur ac iuuat: ita libertatem leges condendi probare non debet, quæ Dei honori, quæque Ecclesiæ matris suæ spiritali bono repugnent: tū debet æquibonique consulere, vbi à Patre suo spiritali qui Dei in terris est Vicarius, moneri omendarique contingat.

2. Progreditur Auctor ad aliud falsum cum ait; *Questiua diligenter in approbatis scriptoribus, quæ nam esset eorum vis, cum iniuste adeo feruntur.* Alterum hoc est deliramentum vna cum incredibili superbia, ac temeritate coniunctum. Nam auctor præfationis tantum aude, vt statuat excommunicationis à Summo Pontifice in Venetam Rempubicam latæ causas iniustas esse. & tamen si quis hunc hominem alloqueretur, huius rei planè ignarum ac rudem fortasse deprehenderet: cum ipse præsertim fateatur, se rumore tantum adductum hæc scripsisse, qui Parisiis inoleuerat; quare ex iis est, de quibus Apostolus.



*Stolus. Non intelligentes quæ loquuntur, neque de quibus affirmant.*  
 1. ad Timot. 1. Ita ne veto? ut tantæ sis temeritatis, qui antequam  
 rem perspexeris, antequam diuturno studio omnes difficultates dis-  
 solueris, antequam doctos homines consulueris, in Dei Vicarium  
 adeo absolute sententiam ferre ausus sis? & vero si plurimum operæ  
 ac laboris in huius cognitionem causæ contulisses, aliorumque au-  
 didisses sententiâs, omniaque perspecta habuisses, tantum ne prop-  
 rea tibi sumere debebas, ut totius terrarum orbis supremum Iudicem  
 iniustitiæ tam impudenter damnares, utque tuam hanc sententiam  
 impietatis plenissimam omnibus typorum testificatione patefaceres?  
 Sed quoniam tota ratio, ob quam iniusta excommunicationis cau-  
 sas esse putas, in rumore tantum nititur, Rempublicam nimirum ideo  
 excommunicatam, quod alterius voluntati libertatem sibi à Deo cõ-  
 cessam subdere abnuat, nosque iam demonstrauimus id falsum esse: et  
 quoniam latæ excommunicationis iustitia omnibus cognita, & ab iis  
 probata est, qui nulla cupiditate adducti rei æquitatem ad veritatis  
 exigunt normam; pluribus hoc erratum verbis non confutabimus.

3. Pergit ad tertium. *Cum in Sacro Tridentino concilio ea verba lo-*  
*giserem quæ aureis literis describi deberent. Quamuis excommunicatio-*  
*nis gladius &c. opresserem, ut quemadmodum sanctissimi illi patres Præla-*  
*ti regulam præscripserunt, quæ utantur in hac adhibenda medicina ad*  
*salutem, ita pii, ac religiosæ conscientias docuissent, quæ earum essent*  
*partes, si Prælati contra præscriptam à Christo Domino. Nostro ac S.*  
*Paulo, Sacrisque canonibus formam censuræ ferret.* Minime contentus  
 auctor aduersus Summum Pontificem tam impudenter falsum pro-  
 nunciassè, pronunciat etiam aduersus generale concilium; ut ea ra-  
 tione & capiti & præcipuis Sanctæ Ecclesiæ membris iniuriam infe-  
 rat. Reprehendit igitur vir egregius Sacrum Tridentinum concilium,  
 quod mancum sit, non enim cum prælatis præscripserit, ne excommu-  
 nicatione leuibus de causis utantur, laicos (ut ait) docuit, quæ se ra-  
 tione gerere debeant, ubi Prælati ea non seruiunt, quæ à Christo; à  
 Sancto Paulo, veteribusque Canonibus præcipiuntur. Sed si totum  
 Sacri Conc. decretum non prima tantum verba legere voluisset; reperis-  
 set utique, quod se desiderare fingit; simulque intellexisset quæ falso  
 mancum in ea re concilium appellat. Decretum, quod ipse affert 3.  
 est sessio. vltima de reformatione, atque ut initio eiusdem decreti  
 monentur prælati, ne excommunicationis armis temere, & leuibus  
 de causis utantur, ita postremo loco monentur laici etiam politicum  
 magistratum gerentes, suum non esse, iudicium ferre, utrum Prælati  
 præscriptum in excommunicatione ordinem seruet: ac propterea  
 magistratibus secularibus præcipit, ne impedimento esse audeant,  
 quominus Prælati excommunicationem ferat, neque vlla ratione  
 imperet, ut excommunicatio aboleatur sub prætextu, quod debita  
 seruata non sint. Nefas autem sit seculari cuiuslibet magistratui prohibere  
 Ecclesiastico Iudici, ne quem excommunicet, aut mandare ut latam ex-

communicationem reuocet, sub prætextu, quod contenta in præfenti doctrina obseruata non sunt; cum non ad seculares, sed ad Ecclesiasticos hæc cognitio pertineat. Hæc sunt Sacri Concilij verba, quod omnibus summa prudentia prospexit, docuitque magistratum secularium non esse, excommunicationum promulgationi obsistere, quemadmodum hoc tēpore Venetæ Reip. magistratus faciunt ab iis decepti, qui adulationis magis, quam veritatis studio tenentur: ex quibus vnus hic est, cui in præfentia respondemus.

Quarto, vltcrius progressus auctor addit. (*Et diu multos auctores euoluo, cum ibi, quod optabam, non inuenirem, habui etiam præ manibus Ioannē Gers. auctorem Christianissimū æterna memoria dignum*) Negari sane non potest Ioann. Gers. magnæ doctorem scientiæ, magnæque pietatis fuisse, sed temporum illorum infelicitas, ob schismatis in Romana Ecclesia diuturnitatem, vt alios plures, ita hunc etiam doctorem adduxit, vt minus recte de Sedis Apost. auctoritate opinaretur. ij enim cum vellent Generali Concilio schisma perniciosissimum tollere, pluribusq; atq; inter se dissidentibus Pontificibus suadere vt Concilij sententiæ controuersiam omnem diiudicandam permitterent; Conciliorum auctoritatem immodice extulerunt contra verò Summi Pontif. potestatem immodice imminuere nō dubitarunt. Hinc factum est, vt in apertos errores prolaberentur aduersus Sacras scripturas, communemque Theologorum sententiam, qui & ante & post illa tempora prodierunt. Quare Gersonis in his rebus auctoritas, quæ ad Pontificis potestatem pertinent, nullius est momenti; neque deerant alij complures tutiores scriptores, qui afferrentur, vt intelligeretur, quatenus ex cōmunicatiōis vis progrediatur, vt S. Thomas S. Bonauentura, S. Antoninus alique innumerabiles, Gersone post habito qui hac in re non modo in erroris suspicionem vocari, sed erroneus plane dici potest.

Quinto. Sed præter cætera reprehensione dignum est id, quod præfationis auctorem adduxit, vt Gers. opuscula in Italicum sermonem transferret, ederetque in lucem vt (*inquit*) pia qualibet, ac religiosa conscientia, quæ eadem legerit, gaudere possit, quod se illam vitasse calamitatem intelligat, quæ Deus reprobos punire solet, vt id nimirum timeant, quod minime timendum est: trepidauerunt timore, ubi non erat timor. En quo demum progreditur hominū cæcitas, vt Dei vtatur verbis ad tollendum de medio Dei timorem. In Psal. 13. & 52. ita S. Profeta de impiis loquitur, *Non est timor Dei ante oculos eorum*. Et tamen cum verum Deum non metuant, qui solus est metuendus, Deos metuant falsos, qui nihil possunt, illic trepidauerunt timore, ubi non erat timor. Nunc verò nouus hic doctor in oppositam omnino sententiam psalmi verba detorquet, cum hic Dei Vicarij à populi animis, ac proinde Dei ipsius timorem abigere conetur; Nam ipse suis Vicariis ita loquitur. *Qui vos audit, me audit, qui vos spernit me spernit*. Lucæ. 10. Valde profecto discrepāt à noui huius Theologi verba verba S. Gregorij

gorij Papæ. Ille enim hom. 26. cùm de excommunicatione loqueretur, dixit: *Sententiam pastoris iustam, aut iniustam metuendam*, hic verò ait eum, qui sententiam pastoris metuit, quam iniustam esse arbitrat, in reproborum calamitatem incidere; vt metuat, quæ nulla ratione metuenda sunt. neque hic malum sistit, quod ex huiusmodi doctrina ortum habet, sed ad extremam vsque excrescit animarum perniciem. Qui enim Summi Pontif. censuras nō reformidat, multo minus censuras reformidabit Episcoporum; quique Ecclesiæ capitis præcepta cōtemnere incipit, quæcunque alia proculcare non verebitur. His artibus Martinus Luth. persuasit quamplurimis Christianam libertatem in eo esse positam, vt quis nullius criminis religione ducatur, vtque Ecclesiæ præcepta nihili faciat. Hinc tot religiosos, totque moniales desertis sinē vllō metu monasterijs Sacrum religionis habitum abieciſſe inestaque matrimonia petiſſe vidimus, Sacras præterea imagines à tot populis cōculcatas, vigilias ac festos dies memoria excidiſſe, quadragesimā, confessiones, vesp̄as, Missā penitus ignorari videmus, denique ex Pontificiæ auctoritatis contemptu quasdam Prouincias eo redactas, vt nullum amplius in iis extet Christianæ religionis vestigium.

Sexto. Ad extremū præfationis auctor veteris scripturæ testimonio abusum se esse nō cōtētus, abutitur etiā auctoritate nouæ cū ait. *Sed iuxta Apostolū, confortati in Domino, & in potentia virtutis eius sum̄i sicut fidei vt illud inconsultis fulminibus obſciant, & arma spiritus qua sunt verbū Dei.* Nō poterat clarius Luther⁹, aut Caluin⁹, Dei verba ad Deū oppugnandū vsurpare. Scribit Apostolus in Epist. ad Ephes. cap. vi. Christi fidelium esse præcipue, vt Diabolo obsistant. *Vt possitis stare contra insidias Diaboli.* Et paullo post. *In omnibus sumentes scriptum fidei, in quo possitis omnia tela nequissimi ignea extinguere,* vt etiam ait S. Petrus. *cui resistite fortes in fide.* Et S. Iacobus, *resistite Diabolo, & fugiet à vobis.* Nouus autem hic Theologus resistantiam aptat censuris Summi Pontif. ac si Apostolus non fide, ac Dei verbo (dixisset) communit vos, vt Dæmoni obsistatis, sed fide, ac Dei verbo, vt Deo in ipsius Vicario resistatis, armamini. quæ tandem obsecro illa est fides, quod Dei verbum, quo aduersus Dei Vicariū resistere doceamur? immo quæ illa est fides, quod Dei verbū, quo nō Prælati Ecclesiæ subditi atq; abtēperantes esse discamus? Nō ne ait S. Paulus in ep. ad Heb. c. 13. *Obedite prepositis vestris & subiaceite eis?* Nō ne ipsemet Christus Matt. 18. si Ecclesiā nō audierit, sit tibi sicut ethnicus & publicanus, sed iam tempus est, vt Gersonis considerationes perpendamus, aperteque demonstremus eas aut ad rem non facere, aut errores esse.

Prima Consideratio est excommunicationem, atque irregularitatem in clauū Ecclesiæ, hoc est Ecclesiastica potestatis contemptu præcipue niti. Consideratio hæc vera est, si contemptus pro inobedientia, vel contumacia intelligatur. Neque est Summi Pontificis factō contraria.

Secunda Consideratio contemptum clauum tribus modis posse contingere directe, indirecte, apparenter: ita loquitur parum fidus interpretes. Nam Gerson tertium illum modum non verbo apparenter, sed verbo interpretatiue explicat, quæ duo contraria ferme sunt. Nam apparens illud est, quod cum tale videatur, tale non est: interpretatiuum, quod cum tale non videatur, tamen est, sed hic lapsus nihil ad rem de qua agitur.

Tertia Consideratio est, contemptum clauum primo, & secundo modo acceptum mereri sententiam excommunicationis, & consequenter irregularitatis, idcirco vero non semper mereri excommunicationem ab Ecclesia, sed à Deo, à quo quisque mortaliter peccat, excommunicatur. In hac consideratione nihil est reprehendendum præter vltima verba; Nam si proprie de excommunicatione loquamur, falsum est, quemcumque à Deo excommunicari, qui peccat mortaliter. Nam si verum esset, sine nouo peccato non possent peccatores Missæ diuinisq. officijs interesse: quod tamen est absurdum, ut omnes norunt.

Quarta Consideratio est, minime dicendum ab aliquo clauis, vllò ex tribus modis contempti, cum Prælatus aperte ac notorie clauum potestate abutitur. Hæc consideratio vera est, si loquamur de clauum abusione in rebus essentialibus, ut si Prælatus suæ potestatis limites egredietur, vel nulla adhibita admonitione excommunicationem ferret, vel excommunicationis pena proposita res diuinis præceptis aduersas Imperaret. Tunc enim cum S. Petro dicendum esset *obediendum est magis Deo, quam hominibus. Act. 5.* Sed quanquam vera est Gersonis doctrina, fieri tamen potest, ut virulento admodum interpretes sit animo. Illud enim fortasse populis persuadere vult, ut existiment excommunicationem à Domino Nostro Paulo V. latam, notoriam clauum abusionem esse: cum contra legitimus sit vsus, atque sanctissimus, sicut aperte demonstrari posset, ubi de hoc ageretur.

Quinta Consideratio est, à Prælato magis clauis contempti, cum earum potestate abutitur, grauiusque delinqui quam à subdito, cum Prælato non obtemperat, atque hinc intelligitur opus esse meritorium, si quis tunc resistat in faciem Prælato, ut Sancto Petro resistit Sanctus Paulus. In hac consideratione multa essent dicenda, sed quoniam à re nostra est aliena, duo tantum subiiciemus. Primum quidem Gersonis doctrinam parum tutam, minusque solidam videri. Nam ut collationes omittamus, quæ iuxta circumstantiarum varietatem, variari possunt; ex quibus sit ut nonnunquam Prælatus grauius peccet, qui potestate abutitur, nonnunquam subditus, qui non obtemperat; si potestatis tantummodo abusionem, & inobedientiam consideremus, grauius peccat, qui obedire non vult, quam qui potestate abutitur. Qui enim abutitur potestate, peccatum committit iniustitiæ, hominemque offendit sibi subditum; Sed qui Prælato, qui iusta imperet, obtemperare non vult, excommunicationemque contemptis, rebellionis peccatum committit, Diuinamque Maiestatem in suo Vicario contemptis. Ita enim Christus, qui vos spernit, me spernit.

Luc. 10. & , Apostolus prima Epist. ad Thessalonicenses capite 4. *qui hac spernit non hominem spernit, sed Deum.* Hic verò Dei contemp-  
tus in Dei Vicario, à Samuelē 1. Regum cap. 15. Idololatriæ genus  
appellatur. Alterum est, quamquam aliquando meritum esse po-  
test Prælato in faciem resistere; plerumque tamen pessimi exempli  
grauissimæque audaciæ rem esse. Quod vero huiusmodi animadu-  
ersio in hac causa ad contumacitatem populos afferatur; ut Christi Vicarij  
præcepta contemnant; res est planè intolerabilis. Nam & S. Pau-  
lus Petrò non resistit ubi obtemperandum esset, sed cum de obseru-  
antia quadam legali ageretur: & Deo visum est, quo omnibus Sancti  
Petri humilitatem patefaceret permittere, ut in cuiusdam legalis ob-  
seruantia articulo S. Paulus mète magis illustraretur; atque ita S. Pe-  
trus libenti animo fraternam ab eo correctionem accepit, cum præ-  
sertim idem Sanctus Paulus, & Apostolus esset, & Spiritu sancto non  
minus quam Sanctus Petrus abundans. verum ubi de obedientia, at-  
que obseruantia agitur, optime nouimus subditos semper à Sancto  
Paulo excitari ad obtemperandum Prælatis. Nouimus etiam ipsum  
Hierusalem venisse, ut Petrum conueniret, Euangeliumque cum  
illò communicaret, quod prædicabat; etiam si illud diuinitus acceperat,  
ut testatur in Epist. ad Galatas cap. 1. Quæ cum ita sint, quam-  
belle concluderet quis, si diceret. Sanctus Paulus Apostolus vas ele-  
ctionis Petrum admonuit; Opus igitur meritum admittent po-  
puli, si Pontifici Maximo in faciem resistent, ubi excommunicatio-  
nis poena proposita aliquid præcipit? Hac enim non probabilis lo-  
giz, sed peruersi schismatici argumentatio esset.

Sexta Consideratio est contingere posse aliquando; ut quis contem-  
ptor sit alium, si Prælato non obtemperet, & alius similiter contemptor  
non sit, si non obtemperet. Ille enim Prælati sententiam iustam esse, aut  
alia de causa obediendum sibi existimabit, hic vero certum putabit, aut  
sufficientem probabilitatem habebit Prælatum clauum potestate abusi.  
In hac consideratione nihil se offert dicendum, nisi illud, non quam-  
cumque probabilitatem, nec cuiuscumque abusionis clauum proba-  
bilitatem satis esse, ut quis Prælati mandata exequi non debeat.  
Immo iuxta communem doctrinam, ut quis ab obtemperando  
liber sit, necesse est, ut exploratum habeat ac notum Prælatum in  
re essentiali sua potestate abusi. Nam à S. Augustino traditum est lib.  
21. contra Faustum cap. 75. ab alijsq. receptum, subdito non modo ob-  
temperandum cum certo scit Superiorem nihil contra Deum præci-  
pere, sed etiam quando certo non scit. in re enim dubia superioris po-  
tius iudicium sequi debet, quam suum. Tunc vero solum parendum  
non est, cum constat eum contra diuinam legem aliquid imperare, ut  
enim supra diximus: *obediendum est Deo magis, quam hominibus.*

Septima consideratio ad dignoscendum clauum contemptum, ad legiti-  
mam potestatem, legitimamque illius usum respiciendum esse. Idcirco ex-  
plicatione eget commune illud dictum, Sententia Pastoris iudicis etiam



Concil. sess. 4. decretum condi, quo declaratur ipsum idem Concil.  
 Constantiense vniuersam Ecclesiam repræsentare, atque adeo à Chri-  
 sto immediate potestatem habere, cui obtemperare omnes debeant,  
 Summo etiam Pontifice non excepto. Hoc decretum à doctissimis  
 hominibus ita explicatur, vt non quemcunque Pontificem compre-  
 hendat, sed dubium Pontificem tantum, quemadmodum ea tempestate  
 contigit, cum tres, veros se Pontifices existimabant, suosque habebat  
 quisque sectatores. Verissimum quidem est penes Ecclesiam esse pote-  
 statem declarandi, quis nam verus sit Pontifex, eosque, qui Schisma-  
 tis tempore de pontificatu contendunt, Ecclesiæ, generalisque Con-  
 ciliij sententiæ subesse. At verò Pontificem canonice electum, & sine  
 vlla dubitatione Papam ab omnibus habitum, Ecclesiæ aut Concilio  
 subiici ex eodem decreto minime colligitur. Tertium est in eo de-  
 creto nullam inesse aliam vim, nisi vt Schismati remedium afforat  
 nam cum in Concilio tunc nullus esset Pontifex; corpus id erat sine  
 capite: neque res ad fidem pertinentes, neque aliud quicquam maio-  
 ris momenti decernere poterat. Et quamquā postea Martinus V. Cō-  
 cilium Constant. approbavit, illa tamen solum in iis approbavit quæ  
 conciliariter, (vt loquuntur) decreta sunt; cuiusmodi ea fuerunt quæ  
 aduersus Ioannis Vuiclef, & Ioannis Hns hæreses fuerant constituta.  
 Decretum verò superioritatis Concilij in Pontificem conciliariter  
 factum non est; id est post examina, disputationesq; Patrum suffragiis  
 quæsis, sed sine his simpliciter latum, vt Schismati solum medicinā  
 facere posset. Quare postea Pius 2. in Concilio Mantuano à Papa ad  
 Cōcilium prouocantes excommunicauit: eandemque excommuni-  
 cationē renouauit Iulius II. vt testatur Syluester verbo *Excommuni-*  
*catio* 7. n. 93. & deinceps omnes summi Pontifices repetunt quos an-  
 nis in bulla cænæ D. Postremo Martinus V. eiusdē Constantiensis Cō-  
 cilij suffragiis statuit, vt qui in hæresis suspiciōe vocarentur, de mul-  
 tis interrogentur articulis, ac præsertim de eo nū credant penes sum-  
 mū Pontificē supremā esse Ecclesiæ potestatem. Quod si suprema pote-  
 stas est penes Pontificē; Cōciliū illo superius nō est: alioqui suprema  
 potestas penes conciliū, non penes Papā esset. Hinc patet Cōstantiense  
 Concilium in eo decreto, quod ex 4. sess. attulimus, ita esse intelligen-  
 dum, vt explicatum est. Nam alioquin, sibi nō constaret. Si vero hanc  
 eius inconstantiam admittamus, maior posteriori decreto habenda  
 est fides, quod à Pōtifice vna cum Concilio conditū est; quam priori,  
 quod solum Concilium sine Pontifice, hoc est corpus sine capite con-  
 stituit. Sed, vt Constantiense Concilium omittamus, Gersonis opi-  
 nionem erroneam plane esse, tum scripturarum & Conciliorum au-  
 thoritate, tum euidenti ratione confici breuissime potest. Scriptura  
 quidem nusquam Ecclesiæ, aut concilio in suos Pastores auctori-  
 tatem tribuit, multo minus in summū Pastorem. Sed contra S. Paulus in  
 actis Apostolorum cap. 10. ait à Deo Episcopos ad regendā Ecclesiā  
 constitutos. Christus vero suo Vicario Matth. 16. *Super hanc petram*  
*adi-*



*edificabit Ecclesiam meam*, ubi cum Sanctum Petrum Ecclesie fundamentum statuit, mystici eiusdem Ecclesie corporis caput esse voluit: quod enim est fundamentum in edificio, id est caput in corpore: capitis autem in reliqua membra, non membrorum in caput potestatem experimur: ita apud S. Ioannem cap. 21. Cum S. Petro dixit Christus, *pasce oves meas* & universi sui ouilis pastorem creavit. Atqui dubium non est, quin Pastor in ouile potestatem habeat, cum illam in Pastorem ouile non habeat. Denique cum dixit Christus Luc. 12. *Quis est fidelis dispensator & prudens, quem constituit Dominus super familiam suam* ostendit proculdubio Episcopum in particulari Ecclesia, Papam in universali, velut in Dei familia Oeconomum & dispensatorem esse. Ed sicut oconomus in familiam potestatem habet, non in oconomum familiam ita Episcopus in suam Dioecesim, Pontifex in omnem Ecclesiam, non Dioecesis in Episcopum neque Ecclesia licet Concilio coacta in Pontificem habet. Quod et eadem ibidem subdit Dominus, *Quod si dixerit servus ille in corde suo, non timebo Dominum meum veniens & cooperietur potentate servus & ancillus, velens & liberare, & inebriari veniet Dominus servus, illius in die, qua non sperat, & dividet eum, partem quoque eius cum infidelibus ponet.* Quidus ex verbis intelligitur, cum in Dei familia oconomus perperam rem administrat, nunquam ipsi Deo placere, ut a familia multeretur, sed penes se tantum ipsius tum iudicandi, tum puniendi auctoritatem esse velle. Cum igitur iuxta scripturas nullam Ecclesia, & consequenter nullam Concilium, quod Ecclesiam repraesentat, potestatem habeat in summum Pontificem, optime concluditur a Pontifice ad Concilium prouocari non posse, a Concilio ad Pontificem posse. Hoc idem quod ex scripturis ostendimus, sacra Concilia testantur. Cum S. Marcellinus Papa in id lapsus est crimine, ut mortis metu idolis sacrificium offerret, coactum est magnum Synodus, ut de re ageretur, Concilium, sed confestim universi Patres facti sunt apud se Pontificis iudicandi potestatem non esse. *Prima sedes a nemine iudicabitur.* Huius Concilij meminit Nicolaus I. in epistola ad Imperatorem Michaellem. Concilium etiam Romanum a S. Sylvestro Pontifice congregatum canone ultimo statuit. *Primam sedem, hoc est Romanum Pontificem iudicari a nemine posse.* Concilium Chalcedonense, quod inter prima quatuor generalia Concilia numeratur, actione tertia, Dioscorum Alexandrinum Patriarcham, uniuersumque Concilium Ephesinum secundum damnat, quod Romanum Pontificem iudicare ausi sint. Si igitur a Romano Patriarcha proximus una cum generali concilio potestatem non habet iudicandi Pontificis, aperte deducitur Concilium supra Pontificem non esse: alioquin in illum ferre sententiam posset. Accedit concilium Romanum, quod Symmacho Pontifice veluti proprium decretum, Ennodij illud dictum approbavit. *Aliorum hominum causas Deus voluit per homines terminari; Sedis istius Praesulis suae (sine quaestione), reservauit arbitrio. Voluit Petri Apostoli successores solo tantum debere innocentia.* In Concilio generali 8. actione. 7.

hæc habemus. Romanum Pontificem de omnium Ecclesiarum præfatis iudicasse, de eo vero neminē iudicasse legimus. Narrat Paulus Aemilius lib. 3. hist. Cū magnum Episcoporum Cōcilium coram magno Carolo ob quādam quæ Leoni 3. Papæ obijciēbantur coactū esset, vna omnes Patrēs exclamasse, nemini licere de summo Pōtifice ferre sententiā. Concilium generale Lateranense sub Alexandro 3. cū de ratione creandi Pontificis decretum conditurum esset, ait in illud negotium peculiari diligentia incumbendum: Nam si quis in eo committatur error, ad superiōre confugere nemo amplius potest, cū in terris Pōtifice superior reperiatur nemo. legatur cap. licet de electione. Postremo Concilium Lateranense sub Leone X. sess. 11. expresse decernit Pontificem quouis Concilio superiorem, ac proinde illius solum esse cōcilia aduocare, transferre, dimittere.

Si igitur ipsa Concilia fatentur Pōtifici se esse subiecta, quis iure affirmare audebit Concilium Papa superiōrē, aut à Papa ad Conciliū iure prouocari? Sed videamus nū ratio, quæ verbo Dei nititur, hoc ipsum cōfirmet. Sancta Ecclesia similis nō est Venetorū aut Genuensium, aut cuiuspiā alterius Ciuitatis Reipublicæ, quæ Principi potestatem suo arbitratu tribuit adimitq. qua de causa Rempubicā Principe superiōrē iure quis dixerit: neq. itidē tēporali regno cōferri potest, vbi Populi in Monarchā suam trāsferunt potestātē: & aliquando, si res tulerit, regio se dominatū liberare inferioresq. magistratus constituere possunt, vt olim à Romanis factū accepimus, cū à Regū dominatione ad cōsulare Imperiū trāsierunt. Christi enim Ecclesia Regnū est absolutissimū, & Monarchiæ genus, quod à Populis minime pendet, nec ab illis ortū habuit, sed à diuina tantū voluntate: Ego autem (ait Christus Psal. 10.) *constitutus sum Rex ab eo super Sion montē sanctū eius, & Angelus Virgini Luc. 1. Dabit ei Dominus sedē David patris eius, & regnabit in domo Iacob in æternum, & regni eius non erit finis.* Sexcentis alijs scripturæ locis idē habemus. Quod vero id regnū ab hominibus non pendeat, ostēdit Christus, cū ait. *Nō vos me elegistis, sed ego elegi vos, Ioan. 15. & nps idē fatebimur cū dicemus: Fecisti nos Deo nostro regnū: Apoc. 5. quæ etiā causa fuit, cur huiusmodi regnū in sacris litteris cū familia conferretur; quis est seruus & prudens, quem constituit Dominus super familiam suam? Matt. 24. Nam Pater familias à familia nō pendet, neq. à familia auctoritatē accipit. Cū ergo hoc verissimū sit, necessario sequitur Generalem Christi Vicarium ab Ecclesia non pendere, sed à Christo solum, à quo omnē auctoritatē accepit, vt videre etiā licet in Regnis temporalibus, vbi Prorex nō à Regno sed à Rege auctoritatē habet, ab eoq. solū iudicari, ac puniri, nō à Populis potest. En igitur quā turpiter Gerson hallucinatus sit, quanq. turpiter hallucinentur ij, qui eū sequūtur cū sacris Scripturis, sacris Cōcilijs apertissimēq. rationi aduersetur; si verò id quod ipse Gerson dicere solitus erat, huic afferret eius interpres, verba nimirum, quæ legimus Matt. cap. 18. *dic Ecclesia & si Ecclesiam non audierit, sit tibi sicut Ethnicus & Publicanus;* responderem eo loco pro Ecclesia. Prælatū intelli-*

tinet ad secularium Principum auxilium aduersus excommunicationes postulandum, iam pridem Sacrum Tridentinum Concilium huic malo consuluit, cum edixit expresse sess. 25. cap. 3. *ne seculares Magistratus Ecclesiastico Iudici prohibeant, ne quem excommunicet, aut mandent ut latam reuocet excommunicationem, cum non ad seculares, sed ad Ecclesiasticos hac cognitio pertineat.* Postremo si re de qua agitur perpendamus; alienissimū est illud dictum afferre. *Vim ui repellere licet.* Vis enim quam Summus Pontifex Reipublicæ Venetæ infert, pater-na est ac iusta, & scripturis Sacrisque Canonibus congruit, omnibusque sæculis à Sanctæ Ecclesiæ Prælatiis usurpata est; quin etiam remedium habet in promptu, absque eo quod quis ad vim vel ad alterius Principis auxilium confugiat: obedientiam nimirum, atque humilitatem, sine qua alia omnia vanissima sunt.

Vndecima consideratio est *incidere neminem in contemptum clauis, cum Iurisperitus aliquis aut Theologus in conscientiam suam recipit aliquas huiusmodi sententias timendas non esse, si præsertim probe doceantur infirmi, caueaturque ne in ijs sequatur scandalum, qui Pontificem velut Deum existimāt maxima tum in Cælo tum in terra potestate præditū* Hæc consideratio, ut modestè loquar, parum considerationis habet. Dixisset saltem Gerson rudem atque ignarum in rebus dubiis Theologo, aut Iurisconsulto cuius magna doctrinæ & probitatis fama sit, se posse permittere; At verò eius, qui se cuicumque Theologo, ac Iurisperito permittere posse dicat, in rebus præsertim, quæ ad Summi Pontificis obedientiam pertinent, insignis est temeritas. Nam dubiū nō est sed certissimū in rebus dubiis superiori obtemperādū, ac tum solum detrectandū imperium, ubi planū sit Dei præceptis contraria mandari. Præterea quot Theologi, quotq. Iurisperiti reperiuntur, qui vel per incitiā, vel per animi prauitatem decipiantur? & si alius te in hūc modū doceat, alius contra sentiat, quem demū de tua causa roga bis? certe quidem seculares Principes nulla ratione sineret, ut ubi, sententiam tulerint, ipsorum imperiō subtrahere se se posset reus eo quod Iurisperitus aut Theologus in conscientiam suam receperit eam sententiam nihili faciendam. Quāto igitur intolerabilis hoc est in Christi Vicarij obedientia, cui Christiani omnes diuino iure subditi esse debent? si verò infirmi Papam ut Deum venerantur, putantque penes illum tum cœli, tum terræ potestatem esse; magis omnipotenti Deo grata est horum infirmitas, quam illorum fortitudo, qui cum sibi optime sapere præ cæteris videantur Christi Vicarij auctoritatem deprimunt: quemadmodum hac tempestate omnes hæretici facere nō verētur. Neque verò magnum, aut incredibile videri cuiquam debet, si Pontifex velut Deus in terris habeatur. de omnibus enim Principibus ait Psalmista *Ego dixi Dñs esis:* neque absurdū est tribui omnem potestatem Pōtifici in cælo & in terra, cum Christus dixerit. *Quodcunque ligaueris super terram, erit ligatum & in Cælis,* quod tamen sano modo à veris doctisq. Catholicis intelligitur, & exponitur. Ut igitur rem paucis cōplectar, verè illud me affirmare

parco tantam esse Pontificis potestatem, vt pauci sint qui eam animo comprehendat; siquidem is omnia efficere potest, quæ necessaria sint vt ad caeli beatitudinē animas deducat, omniaque impedimenta remouere, quæ Mundus ac Diabolus quibuscunque viribus ac fraudibus queant interponere. Quare S. Cyrillus, quem citat Sanctus Thomas in opusculo de primatu Petri ait, Sicut Christus plenissimam à Patre potestatem accepit in vniuersam Ecclesiam, ita Sancto Petro eiusque successoribus plenissimam à Christo in vniuersam Ecclesiam traditam potestatem.

Duodecima consideratio est, ab ijs contemptum clauium foueri, qui cum clauium abusioni resistere debeant, dissident inter se, mutuoque sibi sunt impedimento. negandum sane non est tentanda esse omnia, magna animi demissione, apud Summum Pontificem. scilicet non bene edoctus iniustas sententias pronunciet; sed si humilis diligentia nihil proficit, magno animo ac virili libertate obistendum. Hæc consideratio Gersonis temporibus mirificè congruebat, cum enim tunc trium Pontificum Schisma vigeret: vnusquisque eorum contra illos, qui reliquos sequebantur, excommunicationes ferebat. quare optimum factum erat, quod Christiani ad Schisma de medio tollendum consentirent, vt parui eiusmodi excommunicationes penderent, ac dissipatæ & conuulsæ Ecclesiæ coniunctioni studerent: non enim exploratum adhuc erat quisnam ex illis Christi esset Vicarius: nunc verò quoniam Dei beneficio vnum habemus Pontificem eunque certissimum, Gersonis consideratio non facit ad hanc controversiam: neque aliud quicquam efficit, nisi vt membrorum aduersus Caput nouum Schisma inducat.

**RESPONSIO AD ALTERVM GERSONIS OPVSCVLVM,**  
*quod inscribitur, Examen illius assertionis Sententiæ  
 Pastoris etiam iniusta, est timenda.*

**I**N Secundo opusculo idem Ioānes Gerson refert. Apostolicū quendam Commissarium in publico processu huiusmodi assertionē posuisse: *Nostra sententia licet iniusta, & obseruanda & timenda sunt.* In quæ verba seuerè admodum animaduertit pluribus propositionibus, quæ hic subiiciuntur.

*Primum assertio hæc falsa est. Secundo Assertio hæc est impossibilis. Tercio Assertio hæc est erronea quod ad mores spectat. Quarto. Assertio hæc suspicionem habet hæresis. Quinto Assertio hæc auctori adducit in suspicionem fidei, ac propterea in iudicium est vocandus, vt explicet, vel retrahat sententiam: si verò pertinax fuerit, seculari potestati tradendus est.*

Hæc breuiter est Gersonis Censura, quæ quam iusto sit seuerior, ex his, quæ mox disputabimus, patebit. Commissarius ille siue verus siue fictus tandem sit, illud dixisse non contentus suas sententias etiam iniustas timendas, iuxta ea, quæ docuit Sanctus Gregorius, addidit etiam obseruandas. & quāquam id omittere poterat, non adeo tamen prauum est, vt tam rigidè (sicut arbitratur Gerson) plecti debeat,

beat, qui perperam illud est interpretatus, quod in bonum sensum trahi poterat. Duo ille reprehendit, nos itidem duo breuiter exponemus. Ac primum quidem reprehendit, quod sine vlllo discrimine, & sine vlla diuisione dixerit suas sententias etiam iniustas timendas esse, videtur enim voluisse omnes sententias iniustas metuendas. Non ignoramus tamen, non omnes iniustas sententias metuendas, sed eas tantum, quæ cum iniustæ sint, sunt etiam validæ, vt colligitur ex Gratiano i. i. quæst. 3. per totum Respondemus Commissarium eo loquutum sensu, quo S. Gregorius, Sacriq. Canones loquuntur. Et sicut quoddam S. Gregorius sine vlllo discrimine, aut distinctione dicat sententiam pastoris siue iustam, siue iniustam timendam esse, non colligimus quantumque Pastoris sententiam timendam esse, sed illam solum quæ irrita non est, licet iniusta; ita neque ex Commissarij verbis colligendum est omnes sententias metuendas, sed illas tantum quæ aperte inuvalidæ non sunt, quamuis iniuste sint latæ. Quare quod Commissarij verbis imponitur, etiam S. Gregorij verbis imponi posset. Secundò reprehendit Gerson Commissarium; quod dixerat suas sententias licet iniustas, & timendas, & obseruandas esse: aliud enim est obseruare aliquid, aliud timere. Tyranni nequitia metuere quidem potest, obseruari non item. Si quis verò iniquitatem obseruandam dixerit, vehementer errat. Respondetur, Commissarium vt credibile est, non de iniquæ rei præcepto loquutum, sed de sententia excommunicationis quatenus poena est, quæ hominem sacramentorum participatione, ac fidelium consuetudine priuat; quo sensu optimè dicitur excommunicationis sententiâ iniustam timendam esse, & obseruandam. nõ enim duo sunt excommunicationem timere, & excommunicatione obseruare, qui enim illam timet, Sacramentorum participatione abstinet si deliumq. consuetudine, atque ita eandem obseruat. & contra qui eam non obseruat, sed cū fidelibus consuetudine habet, Sacramentorumq. sit particeps, eandem minimè timet. Itaque Gerson inter sententiam, quæ aliquid præscribit, & sententiam quæ aliquo priuat, per æquiuocatione deceptus, cū in disputatione sua vano hoc fundamento innitatur, mirum non est si tanquã ex inani semente inanes etiam fruges colligat. Sed demus Commissarium de sententia loquutum quæ aliquid proposita excommunicatione præcipit, ne ita quidem malè loquutus est; nam eam sententiã aut aliquid aperte bonum præcipit, vt aliena restituere; aut aliquid aperte malum, vt furari, blasphemare; aut dubium quid, de quo verum malum sit necne, controversum est, vt ad bellum ire, de cuius æquitatè dubitatur. Si quid præcipit aperte bonum; obseruanda est & timenda; hoc est illud faciendum, quod præscribit, ob excommunicationis propositæ metum. & fieri potest, vt huiusmodi sententiã iniusta sit, quod non tres præcesserint admonitiones, & tamen valida, quia bonum aliquid præcipit, atque ab eo fertur, qui eius ferendæ potestatem habet, quique semel salte peccatõ admonuit. si dubium est, verum bonum aut malum præcipiat, est etiã obseruanda ac timenda. vbi enim dubitatur, superioris iudicio parere debet



4  
subditus: vt ex Sâctis Patribus. perspicuū est, & nos supra docuimus.  
Si sententia rē præcipit, quæ aperte peccatū habet, tunc neq; obseruā-  
da neq; timēda est, si quis autē obseruandā diceret, grauiter erraret,  
ac seuerissimā Censuram, quam quinq; propositionibus cōplexus est  
Gersō iure subiret. Nā procul dubio falsum est, sententiā, quæ aliquē  
ad peccandū compellit, obseruandā esse; neq; verò fieri potest vt ien-  
tentia peccatū præcipiat, & ad sui obseruantia aliquē cogat. præte-  
rea erroneū id esset asserere, quod spectat ad mores, nā iniqu; agere do-  
cet, nec minus quod ad fidem pertinet, nam qui dicat licere male age-  
re, hæreticus est, quod si eū non poeniteat, seculari potestati est tradē-  
dus, vt iusto afficiatur supplicio; atq; huiusmodi sententia non solum  
non est obseruanda, sed ne timēda quidē. nā Saluator ait. *Nolite time-  
re eos qui occidunt corpus*, & satius est mortē oppetere quā huiusmo-  
di iniquæ legi obtemperare. Quare quartū membrū illud, q. Gers. attu-  
lit, nimirū aliquā sententiā timeri nō autē obseruari posse, si de timo-  
re loquamur qui ad obseruationē inducit, nusquā reperitur, quāquā  
naturali timore formidari Tyrannus potest, qui iniqua præcipiat, sed  
ne in hoc quidē peccauit Tyrannus potest, qui iniqua præcipiat, sed  
quæ valida sit, sermone habuit cuiusmodi ea nō est quæ peccatū præ-  
cipit, quā nullā perspicue esse cōpertū est. Habemus igitur quā vana  
sit Gersonis disputatio, cū nulla firma re nitatur. Habemus præterea In-  
terpretē qui hæc opuscula edidit, vt Venetos doceret Summi Pōtif. sē-  
tentia & iustā, & validā cōtēni posse, plus aliquāto præ se tulisse ma-  
terix quā ingenij, aut iudicij. Adicit ad hāc disputationē Gerson ali-  
quot propositiones, vt ostendat quid Christianis. Gallor. Rex pro li-  
bertatis Ecclesiæ Gallicanæ defensione facere & possit & debeat. De  
quibus agere non est huius loci, primū quidē, quia omnes eo nituntur  
fundamento, potestatē Concilij Papæ potestati præstare. neq; enim  
aliā ob causā cōtēdit Gerson veteres à Pōtifice Canones, in quibus  
quibus tū Gallicanæ Ecclesiæ suā constituebāt libertatē, mutari non  
posse, nisi quia existimat eos Canones, qui Conciliorū decreta sint.  
Pontif. potestati nequaquā esse subiectos. At euersū est huiusmodi  
fundamentū, neq; vlla putamus ratione Venetis probari posse. Deinde  
quia post Gers. tēpora in Lateranēsi Conc. sub Leone X. pragmaticæ  
derogatū est, quā se Gallicanæ Ecclesiæ tuebantur, conuenitq; inter  
Leonē Summū Pontif. & Christianis. Regē Atq; ita hoc tēpore nulla  
amplius Gallicanæ libertatis est mentio aduersus Summū Pontif. imo  
Christianis. Rex vniuersiq; Gallor. Episcopi pacē & consensionē cū  
Romana Ecclesia, quæ ipsorū est mater, cumq; Patre qui Pontifex est  
Christi Vicarius, & S. Petri successor, mirifice custodiūt. Tertio quia  
Gallicana libertas, de qua scribit Gerson omnino ei libertati dissimi-  
lis est, quam hac tēpestate vsurpat Venetor. Resp. illa enim veteribus  
nitebatur Canonibus, hæc Canonibus tum veteribus tum recenti-  
bus aduersatur.





